

四  
行  
年  
仁  
錄

丁  
亥  
秋  
陳  
珩







皇明四朝成仁錄卷七

屈大均原著

葉恭綽校訂

杭州死節傳

杭州死節曰陸培曰王道焜

陸培字鯤庭仁和人。生而個儻，負氣發憤讀書，日不盡數卷，不止為文辭，振筆風發，光采爛然。人皆歎其華瞻崇禎十三年成進士，例當授行人，需次南還，益縱覽古文奇書，勤敏過諸生。是時東南吳越間競尚文，會培自少好客，長益喜自負，與其兄弟收召文士，日夜為賢豪懽，稱詩角藝。一時號西陵體，亦稍稍使酒任俠。於人有不可則嗔目叱。

曰若亟去毋汙我座及文章氣誼傲然深相結則折節身  
下之至急其困扼雖患難死生不易也由是客過武林者  
莫不爭先願從陸氏兄弟遊旣而與王道焜互相砥礪盡  
棄其生平所為而一軌於道為人有篤性事父兄孝謹父  
卒於官培自南京歸號慟搏額鬢臂血淋漓見者皆為之  
泣十七年三月賊陷京師北望哭累日絕意仕進已而思  
宗即位就選得行人明年奉使淮上未還而南京不守遂  
歸誓以死殉及敵兵至杭州時家人避地桐塢山培跪白  
母曰兒人臣也不能卒事大人死不塞罪母嗚咽不能語  
所親為之解曰行人無守土責如必不得已盍少待以觀  
變培仰天嘆曰主辱臣死陸生男子恐復須臾苟活耶初

潞王尚在江東及聞潞王去海邊求死妻陳率家人晝夜  
伺守不得間乃徐徐改顏曰吾為老母泣留不得捐頂踵  
矣聞游兵且入山汝曹盍徒避之佯索酒滿引數危言笑  
自若促陳徙去即上大牀自經死年二十九先一夕留書  
訣兄所作絕命詩有春秋位列諸侯上周禮名班司馬門  
之句杭人士聞之無少長皆流涕或曰培聞變携夫人及  
如夫人醉鴆觴而卒

王道焜字昭平錢塘人父國柱同知兗州自免歸子均崇  
禎十五年舉人道焜故奇士中天啓元年舉人歷南雄同  
知崇禎末詔徵天下賢能吏將親試以不次用道焜名在  
選中吏部以郡丞無考選例題陞兵部職方主事道焜上

書謂國家懸異格以待非常銓臣執故例而靳考選非陛下收羅賢豪至意得旨許候考而北都變號哭曰臣惟一死報國矣有勸以待時觀變者遂歸及南都再變敵兵至杭避居鄉村偏入城聞均名已列選單乃遺以書曰聞汝名在選單吾家世受國恩一旦臣虜何面目見祖宗於地下吾死汝必丁艱三年之後事又不知如何耳遂自經死卒如其言杭人嘗與陸培並稱襄皇帝立各贈以官培諡忠節道焜諡節愍

臨安死事傳

臨安死事曰唐自彩

彩明史本傳作絲

唐自彩字西望達州人以舉人知臨安縣敵至自彩懷印而行聞浙東起義遣人齎疏奏聞魯監國願為內應監國特加監軍兵備副使仍理縣務自彩乃發硃票諭臨安胥吏取庫銀三千以為募兵之需時敵知縣已蒞任為所發覺急遣騎襲之自彩冠帶南面立被詰不屈顧地上有石取擊敵官不中中案案所有物皆碎左右大驚恐支解之子方二齡從子方十齡同日遇害又從子偕豫向依自彩

隋明史自

絲傳作踏匿山谷間騎至不肯去曰吾不忍背我叔父也

至中途騎憐偕豫無與

與陳本作辜

釋之堅不肯去並死之事



聞監國贈自彩太僕寺卿諡忠愍予祭葬廕一子入監讀  
書

屈大均曰語曰知死則必勇信哉唐公以石擊敵官誤中  
几案有必死之心斯有必死之事誠不患其傷於勇也哉

使臣死事傳

使臣死事曰左懋第從之者曰陳用極曰王一斌曰張良佐曰王廷佐曰劉統

左懋第字仲及

及陳本作極

別號蘿石

明史本傳作字蘿石

萊陽人崇禎

四年進士初知韓城縣流寇三薄韓城再躡其境懋第率士民而戰身當鋒鏑輒大破走之關中保障推懋第第一以治行徵戶科給事中十三年三月風霾亢旱詔下求直言懋第請寬練餉加派又請核實重輕諸獄謂去歲停刑可以消彗則今歲明刑可以反風上是之詔免畿郡十一年匠料等銀賑京城貧民錢各二百分賑畿南金三萬兩是日大雨又免兩河積逋其災甚者緩征之八年九年皆

減十之二宿通沭陽等州縣蠲賦有差皆用懋第言十六  
年奉敕以吏科左給事中察覈上江十七年再奉敕督催  
漕糧監軍四大鎮行至淮揚而京師不守其母陳氏在京  
師出見賊曰我南京刑部郎中左公之龍之妻

之龍陳本作公新

而吏科左給事中懋第之母也賊奴吾不忍與汝俱生以  
頭觸石而死思宗立擢懋第都察院右僉都御史督撫應  
安徽寧池太等處會朝議遣使北款而難其人懋第上疏  
乞奉使因求其母骸骨禮部尚書顧錫疇及廷臣交薦上  
許之加懋第兵部右侍郎兼都察院右僉都御史經理河  
北聯絡關東軍務賜一品服色加都督陳弘範太子太傅

弘原作洪據明史  
左懋第傳改下同

兵部主事馬紹愉太僕寺少卿兵部職

方司郎中副之賜三品服色而以參贊兵部司務陳用極  
為參謀齋祭告陵園御文一道祭大行皇帝大行皇后梓  
宮御文一道總兵吳三桂封薊國公制書一道敕諭一道  
鐵券一道撫臣黎玉田總監高起潛各陞廢敕命一道敕  
諭陷敵文武諸臣一道獎勸功勞聖諭一道宣諭北京人  
民一道宣夷御書一道吏部給懋第府州縣空銜劄付二  
百道兵部給弘範參游守把劄付二百道以行游張本作將俾  
相與激勸忠義感動軍民以為恢復之舉給路資三萬兩  
往奠安大行皇帝大行皇后梓宮訪求東宮二王的耗祭  
告陵園接應吳三桂諸臣與三桂酌款賞歲賞缺賞懋第等  
行至德州弘範謀欲拜敵用極曰不可懋第曰敕書以不

屈膝為不辱命陳參謀不可懋第亦不可自是與弘範貳

矣十一月二日

明史本傳  
作十月朔

次張家灣敵遣騎邀入都城懋

第曰奉敕先謁山陵祭告大行皇帝大行皇后乃通國好  
禮也敵不許弘範捧國書居前敵持國書而去懋第使以  
龍亭鼓吹出迎亦不許懋第追取國書藏之望祭大行山  
陵痛哭已斬哀以入敵館於鴻臚寺而召弘範入見弘範  
陰降許為傳檄江南招徠四鎮敵賞金帛甚優弘範數以  
委曲圖存徐觀敵變為言懋第弗聽十二月

明史本傳作  
十月二十八

日明季南略卷八  
作十月二十七日

得釋南還行至滄州弘範與敵書曰亟

歸傳布招撫復擁懋第而北隨行官吏百餘乘間四逸惟  
用極及游擊王一斌都司張良佐王廷佐守備劉統五人



不去敵館之太醫院七閱月脅降不應懋第三拜血疏奏  
南京痛哭剴切俱未達日以為憂弘光元年六月南京陷  
敵使以駝酥羊炙來饋復說之降懋第慟哭不食搗使者  
却走敵帥怒會中軍艾大選私自剃髮且以餉銀八千與  
敵懋第使縊殺之其黨因告懋第有變敵執懋第及用極  
等五人銀鐺三匝置獄中絕飲食者七日敵攝政王墨勒  
根召之懋第斬哀入向上揖用極亦向上揖懋第南向坐  
用極西向坐墨勒根訶之懋第抗聲曰吾為天使啣君命  
而來汝本屬夷禮宜恭順今既不郊迎天使又不肅接御  
書爾則無禮且王人位諸侯上漢使不拜單于汝豈不聞  
耶墨勒根指用極曰爾何人亦不下跪曰我兵部也三尺

童子羞拜犬羊況堂堂天使耶左右捶其頰流血用極曰  
士可殺而不可辱安得無禮墨勒根曰汝等皆忠臣然今  
汝江南無主忠為誰施剃髮投降復享尊榮豈不誠識時  
勢偉丈夫哉懋第叱之左右競曳以出一滿洲大人來說  
復叱之又使懋第之兄懋泰及我叛臣文武數輩來說皆  
叱之慷慨請死監者問遺言曰臣子致身報國有何可言  
所惜者此五人耳用極等呼曰願從公死國先殺我出宣  
武門將就縛有飛騎至曰降者王矣懋第曰寧為大明鬼  
不作匈奴王遂與用極等絕命蔡市懋第有僕二人在側  
一僕引吭吮懋第頸血乃自剄一僕再叩首懋第以小刀  
刺胸肝見而死觀者皆為流涕有侯官人藍銖者仰天大

慟解衣束帶以懋第首納懷中負屍於背疾走二三里至  
慈仁寺前長跪號呼為偵者所得獄吏訊之曰若與懋第  
親耶錄曰吾知有忠臣不知有懋第也議上欲殺之會許  
收懋第屍因宥錄用極門人咸默故人子徐敷得用極屍  
及懋第等瘞於白馬寺後用極字明仲崑山人少曠達卓  
犖自喜嘗從燕趙出塞周行險阨所至交其賢豪長者以  
智勇自負思宗立廷議群臣之使北者大小文武皆逡巡  
畏縮弗敢任用極聞之慨然曰主辱臣死此何時而謙讓  
未遑耶惜用極僅一書生不足以為國重苟有行我卽輔  
之會懋第以終制請不許願使北乃許用極往見意相得  
遂佐以行臨發親友餞之用極白衣冠以赴親人訝之用

極曰左公忠孝人吾從之圖死國耳白衣冠以送左公且

以自送也一斌寧國人武進士良佐廷佐統皆上元人懋

第死其從子司直聞而哭曰忽必烈能忍文信國之死於

數年之後而墨勒根不能忍吾叔父之死於須臾

與下陳本有如此

此其忍四字

敵之為敵敗亡殆無日矣縊而死懋第既死敵縱

弘範紹愉來歸舉朝以款計既沮遂無同志議戰議守紛

然不一方競門戶盛苞直修圖報復營躡遷除為苟安一

隅之計所恃者長江天塹與四鎮耳顧四鎮擁兵觀望驕

蹇不用命文臣節制視若弁髦有識者莫不寒心而柄國

權奸若士英大鉞等泄沓如故也夫使南京不陷則懋第

不死死懋第者非敵也馬阮諸人也懋第性至孝父死廬

墓三年居諫垣日有章奏必先跪呈其母審喜怒而行之  
而其母侃侃罵賊使賊知有刑部郎中之妻吏科給事中  
之母嗚呼豈非有光於家國者哉

屈大均曰思宗之立所使廷臣北歛者止左公一人而已  
左公之事與漢中郎將蘇武一轍武幸而不死以不辱國  
左公不幸而不生以不辱國若陳公用極等其武之常惠  
徐聖趙終根歟光祿大夫王忠之馬宏歟彼皆慷慨壯烈  
不屈於匈奴雖獲生還而非其志可知也武曰屈節辱命  
雖生何面目以歸漢嗟乎紹愉弘範之降其與衛律李陵  
同一罪通於天者哉武之罵律有曰汝為人臣子不顧恩  
義畔主背親為降虜於蠻夷何以汝為見陵曰令漢且貫



陵罪全其老母使得奮大辱之積志庶幾曹柯之盟而為  
武奮袖哀歌曰老母已死雖欲報恩將安歸嗚呼陵有生  
母而不能以死而生其母左公有死母而能以不生而不  
死其母使天下人之稱左公者必稱其母嗚呼左公之忠  
天下人知之左公之孝蓋又人之所難者哉

嘉興起義諸臣傳

嘉興起義諸臣曰徐石麒曰鍾鼎臣曰朱大定曰張叔

韓曰孫開遠曰劉履丁曰周天曰錢棟曰錢梅

徐石麒字寶摩嘉興人

明季南略卷九云號虞求嘉善人

天啓二年舉進

士授工部主事

部下明史本傳及南略有營繕二字

累遷南京吏部文選司

考功郎中

累字原缺據陳本補

尚寶御應天府丞右通政光祿卿通

政司使崇禎十一年春召對平臺石麒謂守邊在農戰互

用救荒在勸民輸粟安民在省官用賢上是之十五年以

刑部侍郎歸里思宗立召為左都御史

左明史本傳作右

尋遷吏

部尚書疏請稱南京為行在不許九月以左遷黃耳鼎僉

事陸朗御史為耳鼎朗所許遂及大學士姜日廣都御史

劉宗周各予告去弘光元年五月南京陷敵使叛總兵陳洪範至嘉興招降巡道吳克孝大集士民詢之願降者眾克孝遂微服行閏六月九日敵帥貝勒至士民出納冊籍比髡令下眾難之始謀舉義知府鍾鼎臣與前大學士錢士升給事馬嘉植翰林屠象美同知朱大定知州劉履丁及士升子棟姪旃等稱奉潞王令旨附者雲集鳩金助師推石麒麟主城守事殺敵秀水知縣某將率兵襲貝勒後不果十三日敵兵復至疾攻城遂陷屠之鼎臣及同知朱議賓偕縊於儀門石麒麟自縊於家石麒麟初罷歸時構一堂曰醉經既書榜心惡之曰醉分為酉卒明年歲在酉吾殆死乎竟以乙酉八月死魯王監國諡石麒麟忠襄

鍾鼎臣字彝公新會人崇禎七年進士初任寧國府推官  
忤臺使左遷河南知事九年分考山東鄉試累陞部郎出  
為真定知府未赴弘光元年五月改授嘉興之官時敵已  
破陷南京或勸勿行鼎臣曰見危苟免義之所不敢出也  
蒞嘉興踰月城陷緋衣坐堂上敵帥入眾兵方食瓜鼎臣  
索之拔劍斫一瓜至碎曰此單于首也遂自刎而死

朱大定字君永秀水人文恪公國祚第六子以廕為成都  
府通判強武多智屢奉檄捕寇有功以薦陞成都同知賊  
張獻忠將入蜀先遣其黨攻成都督撫諸大吏惶懼失措  
大定曰聞賊掘城三晝夜聞原作聞  
據陳本改至地丈餘皆純石銳

稍挫矣疾出奇兵擊之可以得志諸大吏以為不可大定

曰公等無憂取渠如探掌中果耳率壯健數百夜縋而出  
斫死賊百餘賊大驚退營二舍諸大吏益重其才旋以入  
覲便道返里門會南都破陷大定首倡起義守嘉興屠象  
美繼之城破民蠶湧爭出大定手劍當門護之存活甚眾  
於是繇泖湖航海至紹興備陳方略魯國主授監軍副使  
國主陳本  
作監國使還收舊部隆武二年秋長興伯吳易戰死長  
陳本有  
會字大定代領其軍患痢居文恪墓堂敵騎猝至執送

杭州不屈死諸生張叔韓孫開遠皆與同事嘉興陷叔韓  
持一木牌與敵格鬪死開遠亦戰死城中皆嘉興人

劉履丁字漁仲漳州人大學士黃道周高弟聰明絕人字  
畫篆刻皆極其妙博物好古詩深口自成一家崇禎間以



貢為鬱林州知州見天下方亂致書友人曰孔賊犯天津一月而弒兩藩吾輩不知死所矣因研究諸家兵法至是與石麟等起義敵至為讐所刺並殺其子以降有周天者嘉興人嘉興城陷走吳易軍以舟師出沒於蘆區白蕩之間為先鋒參將殺敵頗眾攻復嘉善多其功與敵提督吳聖兆謀舉崧江反正不克被執臨命謂人曰吾一偉丈夫速死速生再得十七八年又可以橫戈殺賊矣慷慨不屈而死

錢棟字仲馭嘉善人大學士士升之子性敏穎讀書過目不忘嘗與友人賭讀漢書一日欲盡司馬相如揚雄東方朔元后等十數傳以長上口西背抄棟差三十五字余生

差二十字崇禎十年舉進士年始十九授南京兵部職方司主事轉文選司郎中尋擢廣西僉事未赴會伯兄病歿請終養歸義師至首輸餉萬金與從祖淮安巡撫繼登從兄旃分防嘉善間出偏師邀戰敵亦畏其精銳既而潰敗棟以孤軍赴嵩江屯三泖上與徐孚遠孫臨等合師勢復振當敵輒利八月嵩江陷將間道赴閩舟抵震澤敵兵數百尾之棟知不免遂自沉小僮秋煙亦死之明日秋煙擁棟屍僵立湖中人以爲異

錢柝字彥林雲南巡撫士晉之子崇禎六年舉順天鄉試性豪俠坐作聲譽四方人士歸之無賢不肖飲食起居皆與柝等容嘖嘖稱錢長公弘光初授職方司主事奉命還

里南京陷與從弟棟起兵棟敗死柝亦鬱鬱家居後敵捕

總督陳子龍

後陳本  
作時

因連及柝與崑山顧咸正嘉定侯岐

曾長洲劉曙梅壻夏完淳等名士數十人柝嘗與吳易合  
謀並藏子龍坐罪論死臨訊柝不屈顧謂完淳曰子少年  
何為亦求死完淳笑曰寧為袁粲不作褚淵丈人何相視  
之輕耶遂同日死敵籍其家子默字不識年十四舉於鄉  
十五成進士十七知縣河南精明吏治有政聲同父起義  
同陳本

作聞

兵敗遯跡滇黔不知所終有詩文集數十卷咸正

字端木曙字公旦

屈大均曰敵之南下也吳浙諸郡縣獨嘉興舉義最先蓋  
以敵絲嘉興而之杭州其間可乘將以烏合之眾乘虛而

擣其後也其勢甚危譬之群羊逐虎一篲掩河事之不成  
一戰而敗豈待智者而知之哉顧大義所激不惜以一城  
之性命殉之為綱常則有餘矣為生靈則不足難以兼善  
有不遑再計矣

蘇州死事死節傳

蘇州死事曰魯之璵曰韋武韜死節曰徐沂

魯之璵字瑟若蘇州衛人以世職累官至福山副總兵弘

光元年五月南都陷敵遣二使者招撫蘇州舊巡撫楊文

驄戮其正使黃家嘉文驄遂遜去六月四日敵至眾遂降

閏六月十三日髡令下人心洶洶思變日晡聞總兵黃蜚

兵自太湖入城民爭以白布裹頭而出之璵聞義兵起急

入城斬敵一人材官韋武韜者射死敵三人奪其馬以出

復馳入斬敵四人援絕戰而死之璵提敵級出城復入人

徒已烏獸散猶力鬪城下曰吾無面目以去亦死於是嘉

定聞之侯峒曾等起兵拒守

陳本作於是嘉定侯峒曾等聞之而起義焉

徐沂字九一號勿齋長洲人崇禎元年進士選庶吉士二

年敵薄都城

陳本作京城戒嚴

沂與文震孟姚希孟同誓必死裂

絹書矢志詩寄其母有曰為臣貴死忠義更無他顧所傷  
有孀親就養在中路我母烈丈夫聞警奮欲赴報國與從

子一死何足怖疾書固止之仰天而號顛死忠報節母始

終期無沂十一月望敵復至

陳本作復告警

藏及袖中已而解嚴

明年授簡討

明史本傳授檢討乃二年事非三年

十四年遷右諭德持節封

益藩歸以病得請十七年起少詹事兼侍讀學士不赴國

變寢苦彌月痛悼弗勝思宗立起沂沂知事不可為堅卧

不出自題畫像有曰沂乎沂乎而忘甲申三月十九日之

事乎而偃息在牀胡為乎而孤臣也義當寢苦而罪臣也



法當席藁而偷情以負恩其母乃非人類也乎弘光元年

五月聞敵兵渡江

江下陳本有而南二字

告其二子枋柯曰國其危

矣吾將死矣

陳本作吾死矣乎

六月四日蘇州陷時沂在村舍

閉戶自經田奴覺之不得死或告之曰公身為大臣義不可生然盍歸而死於家沂領之閏六月朔傳貝勒王至郡紳士郊迎沂謂其從孫某曰及可加也膝不可屈十三日薙髮令下城中洵洵魯之璵等戰死十六日晚浴奴子請出巾幘沂曰不可設有緩急君子死不可免冠漏將盡手書致崑山朱集璜相訣十七日敵兵大至乃乘舟至虎丘晚歸新塘橋作書遂自沉死

屈大均曰史稱吳俗好勇善用劍輕死易發殆其然哉自

蘇州敗而嘉定起嘉定敗而崑山起義聲不絕死者四萬  
餘人其君子能忠其小人有義嗟乎豈子胥縛諸之風烈  
猶有存焉者歟顧生曰汧為諸生時見魏忠節公被逮脫  
布袍典金贈之袍字原缺據陳本補義聲以著北都之變里中詞臣  
項煜從賊脫歸至南京為檄討賊汧倡同里數其罪倡下  
有率吳中倚以為重敵入蘇州汧廢飲食卧牀上聞太湖  
中將起兵喟然曰義非不正其如力少何越數日遂死子  
枋字昭法號俟齋能繼父志隱於西山光福築茅以居終  
身不入城市不見軒冕人共稱為西山先生云

附錄

此下文秉朱曰兩  
傳據陳本增入

文秉

秉字應符為文肅公子國變後隱居竹塢搜討思陵遺事  
成書八卷即今所傳烈皇小識是也有告其通長興伯吳  
易軍者獲之秉亦不辨曰死固分也寧敢辱先人遂戮之

朱旦

旦吳江人白民先生之孫也先生事親孝工書畫好出游  
足跡半中國旦亦少負奇氣性慨爽常以忠義自許當府  
城陷時獨奮然曰昔吾祖忠於建文為作書法擬當世之  
人莫不稱之吾不可以玷吾祖於是散家貲集眾得千人  
攻蘇州不克死之

...

...

...

...

...

...

...

...

...

...

...

...

望江死事傳

望江死事曰王之慶

王之慶字修祐一字天寵望江人崇禎二年以歲貢知尤

溪縣舉卓異告歸望江當流寇之衝之慶謂名城連陷其

鬻皆自無援師陳本作其失皆在無援師請於巡撫黃配玄將習練鄉

兵為人和社以備賊配玄許之遂委之慶為長之慶內結

眾志外戢奸徒與文武將吏晝夜分守以城為家十年間

流寇及左家兵屢次圍之弗拔糧空援絕人無懈心給事

中左懋第嘗上其事命未下弘光元年五月南京不守左

夢庚者忿望江人與相距創其部曲乃白敵帥英王言望

江巖邑雖降終必負固請即屠之英王至城中大懼之慶

曰事急矣疾走穹廬陳說端木英王意解委之慶署掾黃  
州之慶不受行至九江留書報其子兆春曰吾為一邑謀  
非為一身計今幸桑梓無事反為梯榮親墓不廬國邱不  
憂其尚可以為人乎哉固辭不獲則從相纍於水濱已耳  
越二日又留書曰骨不可取魂不可招古有三不吊此其  
一也兆春哭之堂上不設位不書銘旌遂至琵琶亭沉於  
碧水池中水淺乃枕泥橫卧以死閏六月十九日也喪至  
望江邑人慟哭迎之私諡曰忠節先生祀於屈大夫祠右  
屈大均曰吾聞望江之雷港有忠潔王祠忠潔王者宋太  
宗之所封吾先大夫左徒靈均也王修祐先生越二千年  
湛身自明得俎豆於其右蓋以忠配食非以文辭其賢於



宋五景差之徒矣哉

...

...

...

...

...

...

...

...

...

...

...

...

嘉定死義傳

嘉定起義死者曰侯峒曾及弟岐曾子玄演玄潔曰黃淳耀及弟淵耀曰張錫眉曰龔用圖

侯峒曾字豫瞻一字廣成嘉定人曾祖堯封故出張居正門居正以奪情事杖諸諫官堯封上書數陳大義不少阿為監察御史清戎江閩首建大節祠於南昌祀革除殉難諸臣父震暘天啓中給事擊妖姆客氏為眾正先

正陳本作臣

又劾沈淮奸輔奉嚴譴家居峒曾天啓五年進士方選庶吉士即請假歸久之謁選得南京兵部武選司主事復歸省父父歿峒曾以父諫言被斥齎志而歿義不後於楊左諸君子泣血陳情詔贈太常寺少卿崇禎九年再至京例

補北曹峒曾意在將母乞選部仍昇以南文震孟吳銜張鳳翼許譽卿爭相推轂固留之烈皇帝方重職方之選下部更置鳳翼以輿望特舉峒曾有旨擢補職方司郎中峒曾聞命大驚曰職方劇地非不才所勝擢郎更非其分

陳本有中文字

且絕裾之言安忍負亟拜疏陳情改補南京吏部

文選司主事十三年遷稽勳郎中無何出為按察司僉事布政司參議督學江西下教曰地方守令敢有代致竿牘者即手其書籍其名以聞於當宁倘渝此盟有如漳水及較十三郡薦紳屬吏莫敢干以私有合撫按司道郡縣守令數十牘為一御史子青其衿者峒曾竟拒之建昌二宗生歲試不至峒曾黜為民益王怒移書峒曾欲以奉行者

置之法峒曾報以啓曰數十年以來國家恩德使玉牒之  
裔得列膠庠意甚盛也古者天子諸侯之元子入辟雍猶  
與庶人齒讓況親之殺者乎使將軍中尉皆得挾其貴以  
自高於齊民則青青子衿非中尉所宜服也旣已俯首為  
諸生則固以庶人之子應矣固陳本作應且今宗英令胄仕於  
朝者甚眾萬一得罪詔罷之此亦不過曰為民而已又將  
與誰論乎為朝廷守此三尺法參議之職也誨宗子以光  
庠序殿下之分也王得啓愈怒令有司申意峒曾請復二  
生以為解峒曾答曰參議之法顧可以威劫耶二生卒不  
得復巡按御史循故例大收峒曾杜門投劾曰參議奉職  
無狀使豪有力者咸進而貧賤能文之士率擯不得與則

請以白簡從事苟為不然有撫按無侵權之旨  
在參議不敢忘御史大慚亟罷其事峒曾課士先德行而後文章檄  
府州縣學季報之法其法令知府推官知縣教官各舉所知而不  
相聞問三匝月一報視其同異以察其當否於廣文中又令教授訓  
導各不相聞聞下陳本有問字互為簡察於是  
敗類無所逃發覆之日必與眾見之又令諸生各陳其當否眾無異  
辭然後賞罰有差大嚴不孝不弟之律十四年遷廣東糧儲副使以  
病弗克赴十六年改嘉湖兵備備下陳本  
有道字明史本傳云起時嘉興漕卒恣甚劫知縣李向中  
浙江右參政分守嘉湖重傷幾斃又嘗窺伺巨室城中惴然峒曾蒞任密請於巡  
撫曰此事非假參政以便宜亂不止也舊例漕卒皆隸督



糧道至是巡撫專以屬峒曾峒曾按亂首徐有功張義二人棄於市有渠魁先遯者移咨漕撫史可法擒斬於淮千軍肅然按部平湖有翰林某縱其僕殺人焚屍事聞於峒曾適某遣僕持刺候於途峒曾即命縛之且諭曰論下陳本有之如犯奴既遯即執其主以來須臾間罪人遂獲某出亡

吳中乞吳中薦紳以求解累數十牘峒曾原緘不啓竟以

僕正法陳本作竟以其僕置諸法有狙吏二人倚郡守作奸峒曾廉得

其實杖斃之檄郡縣汰冗蠹嘉興首邑一日而汰百五十

人懲其蠹者百人秀水洪光水下陳本有吏字惡蹟久彰密下秀

水知縣捕治謂之曰非暴其罪狀不足服人心讞決通衢

通上陳本有榜諸二字百姓相與賀於市没入贓產數千没上陳本有以字

召所屬七縣紳士驗散各備火器以禦亂積義穀以備荒  
嘉湖舊多盜李阿元者出入太湖中最為民害峒曾刻期  
分道伺之擒於平湖縣其黨遂散商旅以安郡中故有火  
藥若干久為蠹胥所匿峒曾躬詣城樓及府庫得之封貯  
口往為公用

得之下陳本作分  
貯各城遂為公用

時四方多故峒曾抱疴治

事簡練丁壯解俸給軍修城垣實器械定變鉅豪而曉夜  
孜孜浹歲之間嘉湖號稱大治吏部舉廉卓監司五人峒  
曾列其二擢補順天府丞拜疏乞休未達北都告變思宗  
立起左通政使病不能支遂隱居先隴常望闕涕號弘光  
元年五月南都陷閏六月峒曾偕門生黃淳耀淵耀張錫  
眉龔用圖子玄演玄潔殺敵嘉定知縣舉兵檄榜於門捐

數千金犒軍糾合城中什伍以酒肉餉之皆登陴堅守人  
人共憤敵帥李成棟自吳嵩至以數十騎薄城下挑戰玄  
演親執絳旗登城率勇士追逐盡殲之峒曾聞報大喜為  
書與母龔太恭人曰兒今以身任國事矣太恭人脫簪解  
珥曰為吾兒犒軍可也峒曾意益壯罄家財亟赴城中百  
姓夾道請命歡聲如雷峒曾巡行各隊慰勉之日則冒矢  
衝鋒身先士卒夕則箭衣匹馬達旦巡行區畫之間井如  
也成棟鋒銳已挫乃出掠羅店楊家行各鎮而日遣數百  
騎肉薄城下峒曾分道夾擊以步勝騎殲敵頗眾敵北次  
樓塘樓塘距城北十二里為邑至太倉州孔道拒戰數四  
皆失利樓塘既失敵大至重梯薄城峒曾自以巨石火器

擊死二百有奇七月五日

五明史本傳及南略均作四

天大雨城隅角

崩陷數尺敵兵乘間而入峒曾大呼先皇帝曰臣力竭矣

率二子歸門已扃排而入躍入後池死之年五十有五門

人私諡曰文節玄演字幾道玄潔字雲居皆諸生年二十

餘俱死之玄潔臨命上堂拜辭其祖母

拜字原缺據陳本補

下與仲

兄為別從容乃死

乃陳本作而

先是峒曾每除官輒以母老不

赴比過國難義憤不顧身卒以不得終養古人有言急病

攘夷

攘原作讓據陳本改

悲夫岐曾字雍瞻太學生丁亥吳勝北反

正事敗敵購總督陳子龍子龍雅善岐曾嘗過宿其家旬

日去遂以連謀坐收備受慘刑者二十七次終不屈而死

至今傳侯氏雙義云

黃淳耀字蘊生

明季南略卷九云號陶菴崇禎壬午舉人

嘉定人深沉好古於

學無所不闕居常獨坐一室不交當世遷固以下諸史朱

黃鈞貫略皆上口其於考據得失訓詁異同在諸儒不能

通其條要者淳耀頓五指而數之首尾通涉銖兩歷然雖

起古人而與之讐問莫能難也為人清剛簡貴言規行矩

為文皆折衷大道稱心而出深有得於濂洛之旨崇禎十

六年始成進士而老矣未及授官而歸於是從岷曾起義

城陷時與弟淵耀約同死旦日淵耀來過見其兄執筆呼

哦曰吾兄平時學問此際尚不自決耶

此際陳本  
作至此

淳耀未

及答遂去頃之因詩中偶忘一字呼淵耀詢之已繇矣乃

不終章句擲筆扼吭而死淵耀字偉恭門人私諡曰貞丈



張錫眉字介茲嘉定人崇禎三年舉人城陷與妻同縊死  
龔用圓字智淵亦嘉定人天啓元年舉人崇禎末為秀水  
學教諭南都告陷投劾歸里義兵起與峒曾等協力城守  
城陷自縊死之

屈大均曰顧生曰自敵陷江南四郡之內蘇州則義兵入  
城殺敵官吏嘉定崑山常熟吳江與嵩江之上海華亭之

亭三字原缺

據陳本補常州之宜興江陰鎮江之金壇莫不戕殺官

吏嬰城死守

嬰陳本作據

皆以不肯髡形之故嗚呼愛髮膚者

所以愛父母元雖喪而非毀傷身不保而猶明哲以此而  
死即以此而全歸矣計有數十萬其人焉皆市井鬮僧之  
夫在於士大夫之外者也姓氏弗傳無從得而大書之噫



大均曰於時江南建義皆以嘉定侯氏父子黃氏兄弟為  
尤烈云

其言曰：夫君子之於天下也，無所不為。然其於道也，有所不為。所謂有所不為者，非不欲為也，其有所不能也。故君子之於道也，有所不能，則有所不為。有所不能，則有所不為。有所不能，則有所不為。

崑山死義傳

崑山起義死者曰王佐才曰朱集璜曰周室瑜曰陶琰  
曰陳大任曰孫志尹曰陸彥冲曰李逸曰莊士翔曰陸  
世鏗曰胡季桂曰朱國輔曰吳其沆曰周復培

王佐才字南陽崑山人少習兵法多膂力就童子試督學  
熊廷弼奇其貌謂曰子將才安事文試佐才曰願以文學  
進熊曰他日功名有在毋多言卒就武庠癸丑登進士歷  
任遼左燕豫所至有能名以戰功累遷至狼山副總兵年  
六十餘謝病免時流寇橫劫佐才家居每酒酣嘆息言朝  
廷重文吏文吏不習兵一旦任方面列開府乘傳至其地  
何能為坐而長寇耳拙者以罪終黠者以賄免偏重京職

外臣有罪而罰或不至有功而賞或不及京官坐而索餽以賂之有無豐嗇定殿最超革捍寇匪亟行賂是亟行賂如當敵縱寇如蓄火然天下事可知矣言已歎歎復醉以為常南都潰思宗出狩

思宗陳本  
作弘光

敵傳檄至崑山知縣楊

永言棄官走縣丞閻茂才入郡獻圖籍閏六月十二日茂才嚴薙髮之令民情洶洶明日擁拜關岳之神白旌森列於道日午聞陸世鏜世鑰於陳墓起義攻蘇州於是崑民遂磔殺茂才立大明旗幟倚陸兵為援以拒敵人太倉之師夕有真義鄉兵數百貫城而過云將攻太倉未幾鄉兵遯而陸兵又不至民惶懼驚呼兩晝夜貢生陳大任謀推佐才為主帥望日設壇集城中紳士父老立太祖列宗位

萬民慟哭佐才申明約束治城守具傳聞州中浦六結連

巨惡為內應賂丐者以藥投井賂陳本作偽為又以火藥置窗戶

夜舉火夜上陳本天大暑天上有會字民渴不敢飲道旁水

俱怖且怒是日雷擊其裏藥者二人民捕浦六不得攢槊

殺其藏六者會故令楊永言會陳本作時同參將陳宏勛募兵

數百至城義兵歡迎入遂為監紀治縣事佐才為主將大

任為副將移檄遠近時陸氏兵已散而義兵不滿千人甲

矢俱不備敵偵崑兵將東連海上勢張頓兵不敢發集江

以南三十萬眾悉京營大礮數十載巨艦蔽空而下七月

初二日兵集吳門初四日真義兵迎戰我舟為大礮所碎

兵悉潰初五日黎明敵兵臨西門架浮橋以渡宏勳腕疽

發弗能出佐才令部下發矢射敵將領一人馬卒二十餘人天大雨佐才立城上指揮軍事次日敵發九百餘礮城始陷永言遯去佐才率義兵巷戰矢盡力竭乃泣曰我受國厚恩位至鎮將今不能有為不死何待遂還帥府具冠帶正坐有數騎突入見之不敢犯騎報其將執之招降佐才叱之遇害後數月人夢佐才朝服出西門儀從甚眾咸謂其為神云

朱集璜字以發崑山人崇禎八年選貢弘光元年

弘光元年陳本

作迨南都既陷

七月知縣楊永言同鄉紳朱天麟李白春建義築

壇拜王佐才陳大任夏有光為將與嘉定相為應援集璜偕吳其沆顧炎武等分任守禦越三日城陷投東禪寺後



魁口潭水死衣上有遺言曰可質祖宗可對天地生無自  
欺死復何愧後祠於馬鞍山前子用純終身不仕為理學  
名家能守父志云

周室瑜字服堅號西崑

崑陳本作昆

御史青陽之孫天啓七年

舉於鄉事父緒御母顧氏至孝思祿養乃就蜀之大昌道  
梗不得達願得危疆自効補河南儀封縣縣久為流寇所  
殘破縣所二字原缺據陳本補敵至河南北望風迎降敵帥許定國啖

以顯職弗顧卽棄官歸及義兵起室瑜守東關同長子朝  
鏞執戈司餉以死自誓送母縋城出城陷率家人守宅兵  
至突入者輒被殲朝鏞亦奮劍斫傷數人既而鐵騎四圍  
登屋發瓦矢如雨父子同時遇害室瑜妻諸氏禮部主事

壽賢孫女罵詈不屈被刃而死朝鑛字若金崑山諸生妻  
王氏投繯死

陶琰字圭釋號圭峯

此三字原缺據陳本補

世居雞鳴塘為諸生

輒薄時文嘗曰人生未究喜怒哀樂時以前境界即勛名  
震世何益嘗北抵燕京南游兩浙西至楚又航海而南觀  
日月吞吐所至並有紀述與朱集璜相友善乙酉之變募  
鄉勇三百人赴援崑山至中途知城已潰見集璜之僕喘  
而至問曰若主何在僕曰強之出不許今猶在城內也琰  
曰以發其死矣是晚家人進酒就寢明晨視之則縊矣裾  
間有字曰生為明人歿為明鬼諸子殮而厝於祖墓之側  
不數日朱集璜柩至時人語曰朱斷斷陶植植生同年死

同日生同學死同域是年荷池花開有一莖兩花扶疏而  
起者人以為兩人先兆云

陳大任字天中崑山諸生弘光元年選貢南都陷海上諸  
將合軍圖恢復崑民磔殺降丞閻茂才議城守大任以己  
宅為帥府推王佐才為主身自裹甲署行伍修器械斬間  
謀者首懸城東門士氣益銳未幾城陷大任既出復入曰  
同起事而吾幸免非夫也歸家謂妻張氏子思翰曰吾生  
卒願死忠義今幸獲死所矣整衣冠父子端坐受刃弟大  
化字神令陳本作  
字字神亦從兄起義掌造礮藥火箭城破被執  
亦遇害

孫志尹字咸一嘉定籍避役來崑遂為崑人少喜騎射亦

明於醫能療奇疾遊京師中武舉得京營游擊銜及歸城中起義志尹守留暉門晝夜登城巡視七月初五日揚令永言跨馬率民兵出戰志尹執爰而前過城濠至西倉橋楊兵遯去志尹大呼曰丈夫寧畏死哉發二矢殪二人忽牆側伏兵突出傷胸猶自救其鏃復中二矢乃墜馬歿於陣妻女俱自盡

自盡陳本作殉義

越三日二子收殮遺骸得於安

禪菴後田塍間面色如生從之陷陣者唐日都陸臨章俞

銅匠張采仙朱木套平大沈養先姚巡捕蔣銅杓孫應元

李仍山陳烈朱士林徐文魁高爵俞煥程潛夫

陳本作顧陳潛甫

約周長姚福汪侍溪

侍陳本作士

二十一入姓氏可考又高國

柱

柱陳本作貴

以百長守城城破猶執爰不走被殺堵下

陸彥冲字浩然一字國欽為邑增廣生忼爽豪宕不治生  
產王燾守隨州約彥冲與俱時流寇克乍越四月寇兩至  
燾以後事囑彥冲隨既陷燾不屈死寇退彥冲解衣殮之  
扶柩至漢川遇燾子同歸崑人起兵彥冲曰幼負勇力今  
老卽不勝死猶當為鬼雄遂與當事者畫戰守具而北兵  
猝至彥冲索水浴遂戎衣執兵至西城鼓衆出戰城潰挺  
槍奮戳被卒奪槍去路遇兵索金彥冲鬚髮盡張曰吾固  
無財卽有豈賂汝求活者大叱之乃遇害時年六十有九  
長子臨章有膂力兵至持械出西城與戰當先發火矢連  
殪二騎力鬪死

李逸字斐石世以畫名崇禎十四年歲大飢乃繪流民圖

具悉其狀請於巨室以米麥賑之迨北兵渡江欲為僧不  
果會邑中義師興逸謀守禦激勵鄉勇登城巡察謂人曰  
我茹素有年持不殺戒未嘗戕一蟻子今將兩軍相見誓  
殺數百以捍全城七月六日縛書護身欲出城迎敵城既  
陷避於僧舍暮遇兵逸曰我本欲殺汝今為汝所殺分也  
遂遇害

莊士翔字萬程嘉定諸生襲職吳嵩千戶北兵五月入蘇  
州卽遣人據吳嵩士翔同弟士种奉母至崑而義旗已豎  
城上矣士翔以客將赴軍與弟登陴守禦初六日城破率  
崑人巷戰兄弟同遇害

陸世鍾字進之自陳墓卜居崑山善屬文遊太學南都陷



倡義於陳墓者其從兄世鏗也邀與共事世鏗曰有季布在崑邑起兵首先輸餉世鏗欲集義旅五百助守事未就而城崩世鏗死之年四十有一

胡季桂字玄茂號存餘

此三字原缺據陳本補

崑山諸生廣信同知

甲桂季弟也同兄子泓時守城城陷季桂被執鞭數百不屈引頸受刃死泓時亦諸生子幼淵殺於西關外又胡仲桂長子潤時字霖汝年二十九亦死

朱國輔字左車一字匡叔別號廣柳萬曆四十三年舉人初任宜興教諭與周延儒忤學使甘學潤劾之除邊職崇禎十一年補保寧府簡較上官檄權知潼川州事秦寇至國輔授方略馘其魁狐地虎

狐張本作狐

七條龍等遂解去無

何裁革募員還里

募陳本作幕

十三年起福州府簡較

起陳本作補

又移署永福清轉河東鹽運司經歷十五年至絳州兼

領聞喜夏邑事十六年遷河北屯田監懷慶屯撫袁口不

至懷慶陷與開封推官陳潛夫相守乃草兩河情形孤臣

哀悃一疏馳奏不旬日京師陷思宗即位

思宗陳本作弘光

以潛

夫為巡按國輔代為開封推官時叛將許定國襲殺鎮臣

高傑於睢陽遂北遯潛夫亦以飛語去御史凌駟代之檄

往金陵營趣解火藥國輔曰金陵去家不遠吾先人未葬

可藉此行畢戎事乃詣巡撫越其傑請假歸葬中道聞歸

德守董庭以城降敵巡按凌駟死之乃為駟發喪歸里以

六月四日舉七喪而北兵已破蘇郡矣

郡陳本作州

七月六日

崑城破為遊騎所獲索金帛曰我是大明廉吏今日求速死夫何言被殺於半山橋側時年五十有二

吳其沆字同初崑山諸生性聰敏強記下筆數千言試輒第一北都之變作大行皇帝大行皇后二誄見稱於時城陷被執不屈死

周復培字元之崑山諸生城變日泣廟誓死忽鐵騎充庭遂奮拳與搏被刃而死

屈大均曰崑山一小邑耳殉義死者不下千人可得而數者尚有茅君蘭字以茵朱君黯字漢徵徐君澂字伯因吳君行貞字履冰孫君道民

民張本作明

字霜奇周君雲璠字元

玉傅君咸字宜仲朱君維宗字新卿朱君晟字方旭張君

峴字漢隱盛君基字肇之周君瀾字元初戴君玄祚字明

儒王君在中字宿尹皆諸生也韓伯宣名元鎮鎮海衛官

子上升名永慶子上升陳本作口子升寧國府教授太倉張陽豫吳

縣諸生劉生西名古江皆家崑而被難至死不屈又醫生

何念山名慕一陳本作何慕字念三長興籍性簡傲嗜酒任俠兵臨

之日率里兵設衛把酒相呼勞粹遇敵罵不絕口而死又

傾銀工莊華福建人執械守城被殺有陳慕濱者眼醫也

性超逸起兵時願守城編行伍月夜移杖陳本作日夜携杖負蒲

團露坐堵次望之若仙語變亂如不欲生城破夫婦同被

難蘇備倫名達道居東南門磨腐沽酒為業年七十城陷

握石磚大呼奮擊被殺視其手足胸背皆書備倫字其素

志捐生如此孫紹峯名德明年八十兵見其老欲免之紹

峯大罵遂殺死又戈均一名化雍又字志勁

此四字原缺據陳木補

性純孝年十四逐什一供親膳

逐原作廢據陳木改

撫弟開雍無爾

我隔敵兵渡江慟哭於父母靈位前義兵起朝夕奔走積

勞成疾城陷被殺千墩陸幼安雍髮牌至曰吾髮受之父

母可揮削乎盡出所畜雞豚祀其先人大會宗親痛飲至

夜半語其子曰我不忍去髮苟生也遂自縛橋下死甫里

顧鐵匠兵強之剃頭不肯謂我已為七十年明朝人矣被

殺以上皆崑人之死義者也死於孝者沈章甫名徵憲救

父代死周在星名虞璇救母赴難周煥若名雲燦侍親湯

藥不去陸昌之名雲將歸玄御名之甲見親被刃鬪死朱

開伯名國執徐仲繩名汝張玉崖名崑柴九滋名士蘭錢  
偉孟名鑿祐皆以親故死於難又有何日起何道行顧亥

伯朱曇口

陳本作  
朱曇寺祝

個朱順葵諸人莫不因親赴義甘死

如銘皆崑人之表表者也其餘湮沒不稱者可勝嘆哉其  
他死於任者如山西巡撫蔡忠襄公懋德江西布政夏公  
元禮廣信同知胡公甲桂隨州知州王忠愍公燾錢塘知  
縣顧公咸建皆能守封疆殺身成仁者而延安推官顧公  
咸正北庭副使陳公用極亦並以死節顯名因並誌之



萬安死事傳

萬安死事曰梁于渙

梁于渙字欽光江都人崇禎十六年進士請假南歸十七年三月國變五月思宗卽位于渙上三大議一曰急收未散之人心謂山東西河赤子

西河陳本  
作河南

日望大兵且山東

義師河南土砦

土砦陳本  
作砦勇

一皆國家勁旅

陳本無  
一字

宜急遣

請師分路渡河以收渙散仍設官守土卽以當地錢糧養當路軍馬朝廷不徵一分則轉輸可免而兵餉自足一曰急起有用之人材一曰實核一定之財賦復有專督北討兵馬一疏皆寢不報且忌之授萬安知縣城陷衣冠哭拜先皇帝自經家人救之被髮投於江巡卒又救之絕粒三

日未死被執至營敵帥酌酒勸降不從乃下南昌縣獄未  
幾命攝湖西道乘夜北拜自經敵南昌知縣王宗熙開縣  
署中門鼓樂導屍而出觀者流涕年五十有七

屈大均曰死之於人也有天焉求死而得死天之所成也  
求死而不得死至於委蛇變節蓋天實有以敗之何者以  
其誠與不誠也若梁君者始終不二其心天其如彼何哉

宣城起義傳

宣城起義曰麻三衡

麻三衡字孟璿號祖洲宣城人曾祖植贈戶部員外祖溶贈太僕寺卿父一鯤太學生弘光元年七月金聲起兵於徽州丘祖德起兵華陽湯廷玄起兵南湖於是三衡以貢生亦起兵於稽亭未幾皆敗被執於南都死之三衡臨難有詩云怒衝千丈髮笑擲百年頭祖德字彥修

齊明史本傳作念

成都人前山東巡撫與其長子同死於市初金聲兵起籍諸義士名及數聲懼禍之延以語記室王世德世德曰世德幼孤未受室幸得從公死義所獲多矣請為公訴之天帝言訖抱籍投井死時吳漢超復聚眾起華陽隆武二年

正月潛師破宣城戰敗被執不屈發解而口諸里門

江西二督撫死事傳

江西二督撫死事曰袁繼咸曰曠昭

袁繼咸字臨侯

明史本傳作字季通

一字湛師宜春人天啓五年進

士授行人考選廣東道御史巡視中城崇禎四年以科場  
註誤謫南京行人司副陞禮部主事七年當天下朝覲之  
期總理戶工二部錢糧太監張彝憲疏請司府州縣各官  
齎冊赴投以隆體統報依其議繼咸時陞山西提學僉事  
屢疏以廉恥氣節為言

屢字原缺據陳本補

其一云皇上允內臣之

請所重特在清理文移剔釐奸蠹非欲群臣屈膝內臣也  
乃此令一出靡然從風內臣既以此示重大臣不能以此  
力爭遂使上自藩臬下至守令莫不次第參謁屏息低頭

得免訶責為幸諸臣未覲天子之光先拜內臣之座士大夫尚得有廉恥乎夫此留部者有耳目之寄述職者有民社之司奈何令屈辱至此臣所為長太息也他語多侵執政奉旨切責彝憲有疏辨辨陳本作辨繼咸應之愈厲旨復如

前朝士皆偉其議以為不可少云刑科給事中李世祺劾大學士溫體仁吳宗達諫外復罪考選郎中吳鳴虞繼咸上書曰養鳳欲鳴養鷹欲擊今鳴而箝其舌擊而絀其羽朝廷之於言官何以異此使言官括囊死咎而大臣終無一人議其後大臣所甚利忠臣所甚憂臣所為長太息也且皇上所樂聽者謹言而天下誤以攻彈貴近為天子所厭聞其勢將披靡不止據原作波上以越職言事切責之



繼成既至山西歲當大比集全晉士於太原為大社督課  
文藝數過諸生館講說經旨多士群聚聽受終日不倦時  
有外郡士病疫繼成詣榻存問士為感泣嘗取晉先達名  
賢敘次其事為位而祀之三立書院有三立祠傳旋以忤  
巡按御史被逮諸生傅山率數千人赴闕白其寃御史坐  
誣褫職繼成亦罷歸久之起九江副使陞浙江參政備兵  
淮陽武昌所至以清惠稱民歌思之十四年襄陽陷沒繼  
成時以僉都御史巡撫鄖陽忌者以失機劾之劾之二字原缺據陳  
本逮詔獄部民合辭叩闕訟寃繼成亦出楊嗣昌手書明  
己無罪尋察其枉赦之謫戍某所明史本傳云十五年起  
右僉都河北屯田十六年陞兵部右侍郎總督江楚等處

軍務駐節九江十七年三月國變繼成整飭軍旅與寧南侯左良玉共濟危疆楚豫章一帶賴之鎮定弘光初袁洪勲請追論請焚要典諸臣罪良玉力言要典治亂所關不宜聽邪言致興大獄上曰此朕家事不必疑繼成亦言要典不必重陳上允之己而良玉舉兵東下討馬士英等挾繼成與俱南京戒嚴繼成疏請赦出太子以過止之上切責是時士英發兵堵禦敵遂乘虛過淮以及大江車駕北狩繼成痛哭曰本欲廓清君側今反誤國何顏以見太祖列宗乎欲自刎死為諸將所奪願協力死守乃親冒矢石與敵壘對於口口者數月尋為內應所賣被執至留都不屈械送燕中敵說降不應使薙髮則大怒罵囚至三月不

得死繼成乃作偽書離間以求速死敵信之遂遇害於三忠祠

曠昭字白於遂寧人萬曆中進士曆官至僉都御史巡撫江西隆武元年七月襄皇帝有敕諭江西巡撫曠昭云念卿在鳳陽撫綏多士甘藹之蔭施於喬木握手道故何日能忘比以留都不靖孝陵重扃

陳本作陵廟播遷

朕已徵兵閩粵

可十數萬屢及於皇劍及於門而諸豪傑以六師一動必須萬全欲先合江右之軍次收兩浙之士栖遲顧慮又踰一月朕獨居深念枕席之處

處陳本作側

常有淚痕想卿聞之

亦為痛心張目乎彼惡已稔人心思奮溫台以西嚮嚴而下勿頸之士亦數萬人欲發錢塘與大軍相遇

大下陳本有將字

卿能率章貢之師決鄱陽下蕪采指顧金陵濯足龍江番  
君之義不足高也萬元吉揭重熙能與之俱來乎雲臺麟  
閣何常之有

常陳本  
作愛

屈指故人望卿如歲母懷金玉而有

遐心欽哉特諭昭得之感泣某月金聲桓攻陷九江遣所  
署九江知府吳亮為書說降昭答曰昊天不弔先皇帝身  
殉社稷乃臣子殺身成仁之秋而孤臣尚仗旄擁纛開府  
巖疆誠以本朝中興有地福國中興有主庶得藉雪大馬  
之心而圖桑榆之效豈知人謀不臧補報無術不思先皇  
帝之恩而汲汲報其私恩不思先皇帝之讐而汲汲復其  
私讐賢奸雜處功罪不明使江上四鎮逍遙於西北荆楚  
大帥結怨於東南自相攻擊故貴國無亡失遺鏃之費遂

越長江天塹之險中國尚可謂有人乎夫吳將軍之乞師  
貴國也本效包胥之義使貴國成復楚之功故荷戈執矢  
為王前驅轉戰數千里殺賊數十萬天下稱為奇男子今  
大讐未復宗社再傾逆閹構鵠蚌之勢而貴國收漁人之  
利豈吳將軍之所用心哉豈天下之所望於吳將軍者哉  
故為貴國計與吳將軍之為本國計莫若窮追賊黨以正  
厥辜若亡命四逸則當傳檄天下捕購其首然後擇先皇  
帝之諸子或宗室之親而賢者立之以為中國主又簡人  
望二三元老以輔翼之其舊將擁重兵宿內地坐視國亡  
不能挽救且恣行擄掠為民患者殺無赦而選才望儒將  
以蒞之

而陳本  
作別

如是中國免湯火之患莫之在席皆貴國



賜也則厚玉帛通婚姻世講盟好永絕戰爭書之史冊豈  
不遺萬世之美名而吳將軍亦得藉以不朽哉貴國興滅  
繼絕在斯一舉昭束身待命自其本事自陳本不然者惟

有率江右文武百姓背城借一以死報國耳天乎天乎今  
日遂有華戎之分云云南昌既陷昭被執同時安慶巡撫  
張亮被左夢庚執之以獻亦慷慨不屈敵豫王高其節使  
與昭同處謹守衛之二人以同鄉相誓多方求死脅之降  
不得械至燕京久之乃並殺之亮字揆伯內江人萬曆四  
十七年進士



後重慶死事傳

後重慶死事曰曾英

曾明史撰一蘄傳作曹王應熊傳及張獻忠傳均同此

曾英閩人從父宦遊成都父沒因家焉為人個儻有材武喜赴人緩急行買劍南數致千金以施與壯士多歸嚮之號曾公子賊張獻忠將犯蜀英與巡撫陳士奇有舊請得獨將千人當賊士奇以英書生不許而以全蜀精銳使漢羌總兵趙光遠率之與賊戰大敗走漢中英復痛哭請兵士奇不得已署英守備以土兵數百試之英盡散家資市牛酒教練旬日士皆踴躍願効死會賊至瞿塘峽口號五十餘萬氣驕弗備英設伏擊殺千餘賊阻險不得徑入與英對壘憤甚日夕挑戰英堅壁不出而多張疑軍於山谷

每夜劫賊

劫賊本  
作擊

賊驚擾自相斫殺爭走上山觸飛礮死

者無算凡攻守六閱月救援不至英乃敗獻忠遂入屠藥  
門雲陽抵萬縣悉驅人民沉之江復從梁山趨順慶所過  
喋血以人肉為糧雖婦女無得免者長驅遂入成都當是  
時蜀人思念英不置皆曰曾公子不敗吾蜀屠戮不至此  
獻忠大索英有僧高其義烈匿之以千金資英召募旬日  
得萬餘人英裹創出戰敗賊於魚復浦收復重慶時王祥  
起兵遵義楊展起兵犍為曹勛起兵黎州前大學士王應  
熊亦起兵編素誓師達州道馬乾署巡撫事傳檄討賊蜀  
紳前總督樊一蘅前戶部郎中范文光舉人劉道貞或奉  
詔或承制出師前侍郎余思恂與前四川學道王芝瑞奉

應熊檄權宜措處兵食涪州道劉麟長往來主游說袁韜

武大定各以兵反正天生城譚弘譚詣巫山劉體純鄴都

胡名道金堂姚玉林施州王光興光緒本作老王有進呼九思

各起兵討賊所謂夔州十三家兵也夔州亦不從賊賊所

據者僅成都保寧順慶一路勢稍衰初賊去重慶不留一

兵故英一鼓拔之復為國家守王祥移軍綦江與相犄角

兵威大振而英以李占春于大海為左右手首復重慶兵

最雄而楊展最富以獻忠所破州縣取金銀億萬沉之江

展盡取之以瞻軍故也獻忠聞之憤曰曾英不足畏重慶

要害地不可失命親將劉文秀率兵疾往占春迎戰於多

功城與大海夾擊文秀大敗賊他將攻嘉定者亦為占春

大海所敗賊勢大沮英是時年二十有六玉親錦袍戰輒  
先登陷陣躍馬揮鏑所向辟易面赭美眉髯賊望見驚以  
為神眾至二十萬威名為遠近所服獻忠數不得逞謀下  
吳越而未果者以英為之阻也初獻忠得成都即僭稱老  
萬歲建東西南北四府以養子孫可望等居之聞李自成  
潰敗乃大懼始據成都拒守性情恐屢殺其下人心崩恐  
其讐視川人其解本  
作尤先屠士大夫繼屠民又欲屠川民之  
為兵者賊諸將中以川民為兵最多眾者解本無  
眾字無如劉  
進忠一軍聞之闕然逃竄會清肅王兵至漢中進忠因以  
保寧降盡輸獻忠虛竇備言可取狀肅王命士馬銜枚兼  
程以進獻忠方營於西充不設備鐵騎奄至鳳凰觀觀明  
史樊

一衛傳作山張  
獻忠傳作坡

乘大霧雨晝晦潛勒軍登山賊謀者知之

以告獻忠素騎斬以殉三告三斬之鐵騎遂下蹂賊營獻

忠倉卒乘馬走矢貫其胸拔視之乃大驚曰果清兵也其

飛越劍閣耶於是賊眾奪氣遂皆披靡獻忠被擒磔死可

望等引兵東潰深怨積恨於英出其不意合師攻英於重

慶英出戰中矢投渝水死占春大海收殘卒二千奔涪州

文秀遣其黨盧名世疾取涪州占春戰敗大海在忠州知

力不支乃放舟出夔巫入楚或曰當可望等潰走英乘其

亂以全軍出壓之賊尚十萬餘爭路不得出險遂與英死

戰日暮大風雨兩軍俱亂英且戰且走甲重墮水而死時

弘光元年某月日也

明史樊一衛傳作順治三年十  
二月張獻忠傳亦云順治三年英部

曲多在晉王李定國軍中每言及曾公子未嘗不流涕云



耀州死義傳

耀州死義曰郭雄麗

郭雄麗字君鎮涇陽布衣也弘光元年某月與三原焦之雅舉兵於耀州張果巖敵禦之於富平安陽郃陽諸縣境皆大挫敗旣圍慶陽以敵援大至雄麗被射而死之雅字大夏驍勇善射父源溥為闖賊所殺之雅持刀欲自刎卒收父屍雄麗旣敗死敵憐之雅孝子置弗問

...

...

...

...

...

...

...

...

...

...

...

...

...

太湖死事傳

太湖死事曰戴重曰錢達

戴重字敬夫和州人十四為諸生國變與同學為不敢忘社又為復讐史以見志弘光元年歲貢廷試第一馬士英當國以重應制詰直切時政深銜之將中以罪中允趙士春爭之乃寢初得湖州推官士英索其沉沉硯不與以五百金購之亦不與乃改廉州未任會國再變遂與王元震裂編結太湖義旅為一軍吳江吳易宜與盧象觀相檄為首尾攻復湖州磔降者三失而三復之轉戰三月被流矢洞胸潛居僧寺作絕命詞十五首絕粒而死友人私諡曰文節先生

錢達華亭人弘光元年起義為魯監國主總兵

監字原缺據鄒本補

守錢塘江有戰功紹興陷航海至閩忠孝伯國姓成功承

制授破虜將軍永曆元年達走入太湖糾合黃蜚吳易舊

部往來湖海郡縣抄敵敵以舟邀擊之屢為所敗乃涇塞

太湖諸口以困之朝聞達名

朝字疑誤

令必俘以獻達被困久

之糧絕兵士死者過半將潛入海趨忠孝伯營漁人以告

敵遣水軍要截大呼曰請見錢將軍達知不免躍過敵舟

厲聲曰大丈夫死事耳至蘇州巡撫土某羈之大第使鐵

騎環守之知縣朝夕候視有一樓船忽至報曰錢夫人來

視將軍騎令之入則達之妻楊妾王也居一日妻留妾與

諸媵婢復去守者問之達曰吾遣妾還太湖傳諭諸部解

散耳敵信之送至湖口越二日達置酒召敵守令飲其妻亦出達與妻南向坐敵守令東西向坐飲半換席妻拜而入卽赴井敵守令大驚遣人急救達止之詰旦達語守者曰汝等各以土三石見贈當有厚賞諸騎欣然負土達使填井須臾井口平滿達親鋪石版其上拜而祭之數日械赴留都見部總督郎某抗罵不屈絕食數日騎以葎液置酒中飲之不死至京令械還華亭殺之行次山東達竟不食以死妾返太湖亦自經其同事有唐彪者其鄰本作達字起凡仁和人初起義為魯監國主總兵監字原缺屯營天目據鄔本補數往來安溪徑山瓶窰諸軍與達水軍為犄角所統五六千人皆以白布裹頭號白頭兵瓶窰之戰死者居半殺敵

亦復相當尋戰於安溪以死有陳萬良者亦仁和人為魯

監國主總兵

主字原缺據鄒本補

與敵戰太湖屢敗之敵招降不往

間出至臨平鎮丐者許益識之以告敵遂被執不屈死

上

鄒本有亦字

屈大均曰敬夫戴先生嘗有言曰臣子於君父之難至愚至賤無所逃死嗚呼先生今得其死矣太湖之役死而埋名可也死以殉名可也與錢將軍魂魄長遊於包山林屋之間樂矣哉



皇明四朝成仁錄卷八

屈大均原著

葉恭綽校訂

撫州前後起義傳

撫州起義前曰曾亨應

鄒案南疆逸史作應亨明史本傳同此

曰曾筠後

曰傅鼎銓

曾亨應字子嘉號鳳山臨川人也崇禎七年進士繇國子監博士遷禮部儀制司主事改文選以忤時相罷歸隆武元年秋南昌陷亨應與同縣知州揭重熙倡義撫州人心渙散無以支乃使其弟和應奉父前布政使棟避地福州亨應哭訣其父子筠哭訣其祖哀慟一軍於是宗室永寧

王聞之以為撫州有仁人孝子也率王子慈熒熒明史亨應傳作炎

舉師赴撫州亨應傾貲召募圖犄角以應敵帥患之出數

千騎潛度千騎本作十間道來攻眾遂潰亨應筠父子俱被執

皆大罵敵敵帥扑之數十血肉狼藉父子聲愈震乃縛亨

應磔之以火烙筠骨皆不屈死事聞亨應贈太常寺正御

筠儀制司主事筠字竹居鄒紫居江西通志作君選貢和應號鳳山

監生福州陷奉父走肇慶久之肇慶復陷和應曰吾而髡

髮何以見吾兄眾勸之弗得整衣拜父投井死

傅鼎銓字維衡衡明史本傳作新號復菴臨川人崇禎十三年進

士會選講官輔永定二王得授翰林院簡討屢上疏言事

指陳得失上嘉之十七年春京師陷鼎銓自經未絕長班

排扉解之擁見自成欲官之說辭得免南歸時曾櫻  
過之途中視其頸癥痕猶赤然鼎銓每自以為媿弘光元  
年秋避亂入閩會唐藩立櫻以內閣攝吏部事徐芳為驗  
封員外間商同鄉人才輒舉揭重熙及鼎銓以對櫻具疏  
奉旨議用部覆改知府銜辦事贛督軍前隆武二年丙戌  
四月鼎銓與重熙同入關抵行在所尋復之贛再授翰林  
簡討軍前如故贛陷匿山中永曆二年戊子南昌反正鼎  
銓於本郡起兵與為聲援事聞累加兵部左侍郎兼翰林  
院學士明史本傳作兵部右侍郎兼翰林院侍讀學士敵至攻圍南昌鼎銓戰而  
敗與重熙往來張自盛曹大鎬兩軍將圖再舉五年四月  
八日至廣信張村被執逮赴南昌方巾白衣緩步中道以

入至堂中仰首而立眾勸之降不屈囚之索作書以招自  
威及重熙鼎銓笑曰豈有教忠臣義士而叛其君者乎引  
文山絕張弘範事為徵臨命敵巡撫以保全其家為言鼎  
銓曰死孤臣之分也家之存亡在執事非所願聞怡然而  
出整中衫北面拜謝踞坐受及其在獄有正命篇云經嚴  
猾夏義大復讐民安弗獲主辱何求生不負學死不降志  
取義成仁庶畢我事

屈大均曰嗟夫臨川曾氏父子兄弟三世或去或死之各  
得其正可謂烈矣和應之去也以奉父奉而不終以兩行  
在俱陷故也至是生而奉父孝而非孝不若死而從兄非  
忠而忠之為愈矣噫

徽州起義傳

徽州起義曰金聲曰江天一曰溫璜

金聲字子駿一字正希嘉魚籍休寧人崇禎元年進士選庶吉士上書言兵累累數千言執政以詞臣兵不當言欲出之外上喜其才擢山東道監察御史久之例轉山東僉事請告歸先是二年冬十一月敵薄京城聲薦山人申甫知兵上召對稱旨官以副將使募兵禦敵聲監其軍及南戰歿蘆溝橋諸宦者爭詒詈聲聲憤請追敵殲於畿東

駢本作殲敵

以雪其恥上不許既歸大集賓客治兵法者於家

敵殲

講求方略十四年春土賊竊發聲督率丁壯腰刀帽首出禦賊張獻忠破武昌總兵左良玉東遁麾下苗兵諱於途

鄔崇苗汪琬江天一傳  
作狼南疆逸史作黔

所過焚掠聲拒戰祁門境上大挫

其鋒鳳陽總督馬士英聞之怒甚奏劾徽人擅殺官軍狀  
速聲至都將加罪有為之申救者致書士英曰襄漢陷沒  
戰士奔潰而黔兵突入徽聲勢洶湧安辨其為民為寇當  
此時捍禦四境為急有捍禦不能無格鬪有格鬪不能無  
殺傷有殺傷不能無虜獲主兵者安得而主之乎

安上鄔  
本有亦

字若使徽人以禦寇獲罪聲以任事受惡則海內相戒以  
聚鄉兵保閭里為禍首而開門揖盜者反有以藉口矣可  
乎哉屬聲容江天一者為聲齎辨疏詣闕上之復作籲天  
疏涕泣詣當途營救聲乃得白放還弘光元年五月敵南  
下聲奉襄皇帝詔以兵部左侍郎兼詹事府御史巡撫徽寧



池太四府

明史本傳作右都御史兼兵部右侍郎總督諸道軍

聲與天一起義徽州

敵攻之六月不下勢孤援絕力不支敵令縛首事者以獻

城可免屠聲曰毋以吾一人陷億萬人遂自縛出城比至

寧國天一亦追至從赴南京敵以剃刀貽之聲不受遇害

無子僅一女有一從女為尼聞難相率自盡

駢案粵游見聞作合門十

餘口皆自縊

裏皇帝贈聲兵部尚書諡文毅

江天一字文石歙縣人年二十六

駢案江琬江天一傳虞初續志本傳南疆逸史

均作三十六

始補諸生以深沉多智為倉事金聲所知會徽州

多盜天一佐聲以軍法團練鄉人子弟

練駢本作結

為守禦計

有苗兵為楚寇所敗潰而東走將抵徽焚掠徽人震恐聲

謀拒之以委天一天一黑夜跨馬率壯士馳數十里與苗

兵鏖戰祁門斬馘大半悉奪其馬牛器械徽賴以安弘光

元年夏五月南都失守諸郡陷沒獨徽不下裏皇帝即位

聞天一名授監紀推官先是天一言於聲曰徽形勝之地

諸縣皆有阻隘可恃而績溪一面當孔道地獨平迤宜築

崇關以多兵據之以與他邑相犄角績溪崇山關注琬江

天一傳已而敵攻績溪天一登陴拒戰多所殺傷敵以少

騎綴之而別從口庾潛入鵠紫口庾注琬江守邏者先潰

城遂陷敵購天一甚急遽歸囑其母於弟天表出門大呼

我江天一也遂被執過聲於營門聲目之曰文石汝有老

母不必死笑謝曰焉有與人共事而逃其難者遂同赴通

濟門畢命天一先後治鄉兵三年皆在聲幕時聲幕號知

兵者甚眾鄒崇幕注琬江天一傳作客獨推重天一其後竟與同死有

陳有功張木作程有功鄒崇有吳國楨余元英亦同死英下

鄒本有三而温璜最烈

温璜原名以介字于石一字寶忠鮚埼亭集外編卷十二推官温公傳云初名以

介字于石後改烏程人生二歲孤歲鮚埼亭集外編作月母陸氏守

節五十歲卒鄒崇節字原缺據明史本傳及南疆逸史補又七年當崇禎十有

六年癸未璜乃中進士蓋年五十九矣五十九鮚埼亭集外編作六十是

時中原覆沒神京震動勢急乃得第而已衰暮欲為國家

捐頂踵不得日常流涕十七年春授徽州府推官無何賊

陷京師明年南都隨失鄰郡縣望風降竄璜謂其妻茅氏

曰事至此吾不得顧汝矣有女二長者十五歲子一八歲

在側或請當急竊從他路歸

從字原缺據鄔本補

茅氏謂舍此安歸

茅上鄔本有夫人二字

我公死國我死公一爾口口口口子易計

也會金聲起兵璜力募義勇應之凡二百餘日聲戰敗績

溪被執璜急入城登陴嚴兵固守而變生肘腋鄉紳黃澍

為敵內應城遂陷璜嘆曰城亡矣吾其尚生乎遂自殺未

絕敵帥命昇之至見其創處相謂曰温先生何苦我握兵

南來未見有如先生者先生何獨苦醫至不受兩手舉創

處裂喉而死當城之始陷璜趨茅氏所曰城破矣昔日之

言今則其時茅氏無戚容猶設飲極歡已而相訣別久之

僕婢皆寢女亦寢茅氏呼之女乍寢驚問何為曰死爾女

即引頸茅氏手結紅悅授璜對曳絕仆地有頃復動茅氏

曰投七橫如其言乃死女既死茅氏整衣而卧橫手捫其  
喉舉刃一擊血湧濺橫茅氏未死呼曰再一擊我橫再一  
擊乃死橫素剛嚴不屈讀書止求大要將死索筆書百餘  
字畧曰世受國恩惟以死報妻與長女俱已殉難幼子季  
女如其不容即並殺之可令傳矣及死敵帥感動瘞之水  
陸寺旁所遺子女徽之人畜之送歸其家

屈大均曰金公夙有義名當嵩杏之敗督師洪承疇相傳  
陣亡烈皇帝涕泣諭祭如往例又御製文召金公為之死  
時承疇實主其事噫亦可以愧也夫

...

...

...

...

...

...

...

...

...

...



貴池起義傳

貴池起義曰吳應箕

吳應箕字次尾

明季南略卷九云號樓山

貴池生員為人癯而悍目光

如炬尚氣節好危言激論用以臧否人物會魏忠賢義男

阮大鍼久被禁錮陰輦金巨萬於京師謀復用公卿間口

語籍籍東南名士聞之曰懷寧起東林無唯類矣懷寧者

大鍼所居縣名也乃謀數大鍼罪惡為文檄之共推應箕

屬草檄未布而事泄大鍼愧且恚恨應箕次骨崇禎十七

年五月思宗即位於南都大鍼挾擁戴功用事將盡殺東

林黨人必欲殺應箕夜半遣毅尉捕之兼捕禮部主事周

鏞及生員陳貞慧等應箕亡走南都陷徽州義兵起應箕

與同志起兵山中應之事敗被執謂刑者曰吾死勿去吾  
冠將以見先皇帝於地下也正冠拜故君笑而受刃

德興海口死事傳

德興海口死事曰胡海定

胡海定字聖占南昌人萬曆四十六年舉於鄉初教諭樂平巡按御史邢紹德薦之海定固辭以讓同官哀時靜崇禎十一年詔舉賢良方正副使張有譽復薦之部檄至海定亦終不赴自言非幹濟才要當以人事君耳其為教諭每見人才輒成就之或為之婚娶過郡道試輒錄才士數人薦之所造就者若王綱許琮後皆以經術節義著名遷汜水知縣賊方壓境海定鼓勵諸生王璧等身決死戰斬馘頗多廉得煽亂為賊囊橐者四十二人計擒斬之亂然後定歲大飢設法賑濟存活者萬人催科檄至輒抗牘上

報曰職不忍於十室九空之所更殺子遺寧受襁斥而去

耳遂自劾去奉其母張孺人遷德興海口授徒董氏十七

年三月國變慟哭不食者累日明年春歸南昌葬父七月

敵入南昌海定遂誓於墓與族人訣返歸海口歸鄒本作於而

董氏先起兵一月矣因亟走樂平因鄒本作海定二字聯絡鄉勇以

應之十月婺源陷兵逼海口會督輔黃道周方統兵出廣

信海定賣卜為資徒步六百里乞援道周壯之執其手而

言曰君致仕今猶艱難仗節如是道周當為彰大義於朝

以勸天下因引滿酌之遣兵與俱海定既引兵至而移張

孺人匿於他所鄒本作而移其母張孺人於他所孺人以申包胥張良勉

之孺上鄒本有張字明日敵襲海口諸軍驚潰獨海口樂平兵先

後出村接戰既敗被執至婺源敵問何官海定曰今日正  
得死所何以問為曰降則美官可得也海定怒罵遂被殺  
僵立不仆敵義之許歸其櫬婺源人為之涕泣曰江西真  
有人

屈大均曰敵入江西之境其死事者以胡公為先





廣東州縣起義傳

廣東州縣以起義死者數百人其從陳子壯者為南海起義諸臣從張家王者為東莞起義諸臣從陳邦彥者為順德起義諸臣各為之傳矣其非從三子者今合為諸臣州縣起義傳曰王天錫曰鄺鴻曰朱家臣曰陳萬齡曰張國鑰曰黃麟遊曰黃麟昭曰陳懋修曰何同倩曰彭琛曰鍾芳曰薛進曰上官星拱曰梁子直曰楊士鑰曰陳曰堯曰陳世則曰林高升曰賴其肖曰賴其賢曰李象履曰黃鶴鳴曰葉標曰林伯嶽曰林鬱豹曰羅成基曰蘇利曰周五曰黃明初曰譚琳高其王興陳奇策蕭國龍已別為三將軍死事傳

王天錫字襄卿廣州人世襲廣州左衛指揮兩京之陷破  
產招盜數千為報恩營將率之援贛隆武二年九月上杭  
變開走梧州迎立今上陞都督僉事還鎮肇慶是冬廣州  
不守與敵戰於花山之下鵠本與敵  
作天錫斬獲數百人身負巨  
創折左肱被執不屈死之贈都督

鄺鴻字劇孟南海人曾祖彭齡進士父露中書舍人有美

才以辭賦稱鴻亦工為詩更多勇力好劍擊陰符之術隆

武二年鵠本二年下有  
十二月三字廣州陷陷鵠本  
作失守率花山義旅千餘

鵠本率下  
有鴻字戰於東門之外死之年二十餘贈錦衣千戶

朱家臣字作基西寧人初為西山把總陞東山守備隸參

將趙千駟麾下隆武二年秋從丁魁楚擁戴今上陞副將

上幸肇慶召千駟入衛千駟卒家臣代領其眾還守羅定  
其冬廣州陷家臣以哨官羅成基扼羚羊險邀敵戰不利  
退保西山已而出攻東安復之斬敵知縣丘岬敵羅定兵  
備王芋至家臣猝遇於南鄉戰酣馬蹶土人執之以獻敵  
奇其狀貌欲降之使招東西二山家臣笑曰東西二山國  
家唇齒我可亡而東西二山不可亡也臨命嚙其幼子吮  
死之曰朱家臣子不作敵奴也是日同被殺者標官王大  
用李楚磻朱萬年

陳萬齡字學修乳源人諸生父常州通判某為盜所害萬  
齡痛憤結壯士二十四人潛入賊砦盡擒渠首斬之以祭  
其父繇是以孝俠聞隆武二年冬韶州不守萬齡起兵戰

敵於梯子嶺及白牛坪皆敗之遂復宜章將乘勝入楚敵

禦之於柳口萬齡戰而死部曲范如元退保樂昌力戰

上力

郭本有又字

斬首數百相持於白沙灣踰月一日酒酣裸身與

敵將戰兩釋兵搏擊力竭相抱入瀧以死同里貢生張國  
鏞字金門者亦起兵從總兵郝永忠戰敵死之先是萬齡  
與永忠約攻宜章敵知其謀潛伏山隘盡坑永忠之兵而  
以永忠旗鼓軍號整而出乳源諸生四十餘人謂永忠大  
軍至儒巾襪衫往迎敵悉殺之

黃麟遊字遊靈黃麟昭字昭靈高要諸生破家巨萬與舉  
人杜璜糾集新興驍健以圖恢復永曆元年口月與僉都

御史李星一

郭案勝朝粵東遺民錄作江西道御史又小映紀年羊城古鈔均作李星一

合師

將復肇慶至水坑遇敵敵輕之以為秀才軍不為備亡數十騎再戰璜與同郡諸生四十餘人皆死麟遊麟昭被磔死之

陳懋修字士勛翁源人太保璘嫡孫廕南鄉所指揮使廣東陷率狼徭義旅恢復東安新興岑溪三縣以應督師陳子壯陞慶國公陳邦傳第十五鎮總兵官永曆四年移守清遠與敵對壘半年數請赴援廣州總督杜永和刻忌小人疏請禁止義旅凡有敕無敕皆令之稟命驗奪以故衛臣李元胤馬吉翔樞臣曹燁等皆陳於三水不得進廣州再陷懋修退守東安土人執之以獻全髮不屈死之何同倩字不還東莞人諸生初為僧敵至從都督武文斌



起兵東莞守北柵若戰敗與妻子並死文斌亦曾為僧有  
彭琛者字述之德慶人初為僧於香山寺聞孫可望軍復  
湖南發憤從軍得士數百人從晉王軍恢復東安敵至城  
守不降被執死之三人者皆激於忠不徒以異端自沒云  
鍾芳字東來一名鉉字碩卿東莞人為人貓眼虎鬚狀絕  
雄偉初為高荊州督師何騰蛟拔置麾下又從安國公劉  
肇基為提塘官有侍姬陸氏楚人美而善射彈弓常不離  
手肇基以妻芳芳每戰陸氏親執桴鼓率女隊數十騎從  
之芳以功官總兵掛寧楚將軍印陸氏封一品夫人芳嘗  
恢復武岡至廣西接境州縣凡十數城七晝夜不下鞍馬  
開國公趙印選聘為火攻營右翼鎮總兵官督滇中兵自



楚轉戰之西粵多所斬獲以扈駕蒼梧加太子少保右都督永曆四年奉命援廣州兩戰不利返鬱林陸氏先奉敕授都督同知桂林陷從城中決圍以死年三十餘芳既歿號召舊旅出攻陸川博白亦皆復之尋被執不屈而死薛進海豐人永曆五年夏敵將班志富攻海豐縣進與拒戰會敵將郭虎與我叛將奉化伯黃應傑合兵來助城陷屠之進率千餘人踰東城走至新市據之志富等追破其砦進戰死

上官星拱字北樞號辰宰

辰驛本  
作宸

靈山人貢生永曆元年

二月廉州陷指揮張烈死之至四月星拱起兵同黃鶴鳴恢復靈山又與宗室江西石城王府鎮國將軍統鑿

鄒案  
遺民

錄作  
統鑿

園廉州十月之望克復之擢監軍副使踰年奉命防

守博白鬱林與太僕卿黃粲中總兵謝應奇鬱林副使謝

天英聯師守禦又與督師兵部尚書程源赴梧州扈駕五

年廉州被攻同信宜侯李明忠等堵禦

同字上  
有星拱二字

兩戰

皆勝敵取繼茂以書幣招之不應屯守武利內砦相持踰

月援絕砦陷與其標官四人血戰死之義旅數百人無一

生者星拱妻沈氏召女及媳黃氏暨家人大小飲藥死子

參將捷科被執不屈死星拱復繼茂書有曰我東粵十郡

吾今以一而鬪汝之九力之不敵吾豈不知之然吾鬪義

不鬪力也義之不敵汝何不知之亦盍降乎其慷慨若此

統鑿以永曆二年至靈山被害其墓尚存土人至今祀之

梁子直香山人初為賀縣掾永曆六年於海島舉兵陰伏壯士香山城內十一月九日率戰艦數十艘遂攻香山復之敵遣使招降子直曰我得一城即堅守一城我不以一城存而一城則以我存矣敵患之使其典史陳忠以計誘執殺之妻子並死

楊士鑰字師健新會人諸生永曆六年上書晉王極言兵事晉王承制授以參將士鑰糾集義徒將襲新會道出開平擒敵典史柳將斬之柳夜遁而前祭酒陳世傑者密以其事聞於敵請兵邀擊士鑰倉卒與戰被執敵曰汝儒生也明朝豈少汝一儒生乎士鑰抗聲曰我明朝正少我一儒生耳汝今殺一儒生我明朝有一儒生矣遂被殺剝皮

以死年二十有五所居陳涌去新會治三十里多衣冠巨族富者以財貧者以力咸助士鑰舉兵敵屠陳涌死者數千人士鑰有家童亞連當主人被執時自首曰我士鑰也旁有識曰以為妄並殺之

陳曰堯字元大德慶人以諸生從慶國公陳邦傳起兵繇守備陞總兵官敵至困守德慶北鄉苦戰敗敵捕之急以全髮自盲其目隱深山中久之被執自縊死其弟世則字顯庸永曆六年以諸生從副將易一瑜走辰州謁孫可望乞師入粵可望授以副將七年同一瑜率兵還粵至肇慶聯絡諸路義師遇敵於大灣被執勸之薙髮不從罵以死其友林高升番禺人官都司嘗奉晉王令往新興起兵次

章曲被執亦不屈死

賴其肖字若夫鎮平人父鬱林知州某崇禎六年山寇盤據鎮平其肖以諸生伏闕上書言寇可滅狀詔授監紀推官使歸招集鄉勇為導遂破寇黃海如萬眾賊塞以平詔以其地為鎮平縣隆武二年秋張家玉至鎮平其肖以子弟數百人從之家玉承制授監軍御史赤山之捷斬首虜功多家玉既還東莞

還歸本作遷

其肖奉永寧王保守鎮平山

中練習驍勇永曆二年授贊理恢勦浙閩等處軍務聯絡漳郡義旅都察院右僉都御史與宗室朱慈昏攻入大埔饒平復攻和平

歸案和平遺民錄作平和

為敵所敗走鎮平山中五年

冬十一月班志富攻之其肖突圍而出斬首數百眾寡不



敵遂詐降尋邀去為僧久之走安龍府謁上時上為孫可望所困從駕大小臣僚被害十有八人左右皆賊私人無有間關冒死勤至尊於患難者其肖至上陰與敕印使還粵糾合義旅以應晉王其肖至賀縣山砦招呼其豪某某原作豪據歸本改某時已降敵其肖不知仍以大義督責遂為所殺弟其賢弟上歸本有其肖二字字可夫六年八月嘗隨兄攻復平遠敵章京聶應舉等率兵千人攻之不克八年二月平遠再陷死之

李象履字素生南海人父敬問光祿寺丞象履以隆武元年恩貢為其鄉佛山練總禦寇有方授兵部司務廣州陷後託跡為僧永曆七年晉王攻肇慶象履破家治西洋大



礮及諸火器佐之復選鐵匠六十人潛送軍前而具戰艦於三水以待晉王承制授監軍副使明年晉王下高州遂圍新會象履陰通聲援將以戰士從中應之事覺拷掠慘甚不旁引一人在獄晏然死時猶自詠梅花詩句也

黃鶴鳴南海人初為馬販於廣西土司永曆元年糾合義旅恢復橫山靈山二城歷官至總兵掛將軍印八年秋從晉王軍於新會死之

葉標東莞人以檳榔賈於鬱林膂力絕人走及奔馬嘗集鬱林義旅同鍾芳恢復博白陸川而已復北流容縣大小數十戰斬獲甚多尋鎮總兵李明忠愛其驍勇題授副將以功加都督太子太師翦虜將軍先是督師何騰蛟部將

熊兆佐漳平伯周金湯同居博白與標爭地兆佐一日輕出護獲為土人所執金湯意標殺之晉王還軍時標往迎為金湯所誣見殺是三人者皆以商賈起有軍功而標獨不得所悲夫

林伯嶽順德人初為人僕廣東陷義不雜髮遂從凌海虎賁二將軍起兵官授參將常以戰艦為遊兵往來海上數年一日遇反將周珍於香山海口戰敗僅餘中哨一舟壯士四十餘人皆死伯嶽與其子被執不屈俱死之

林鬱豹字振光新會人家貧不事生產性嗜酒常乞酒於人人多笑之補邑諸生知縣某愛其才華以五百金遺之不數月金盡乞酒如故廣州陷語所知曰我不雜髮若敵

至卽長往矣會敵徇各屬縣新會不守鬱豹乃出厓門治戰艦與凌海將軍陳奇策共事戰歿於水

羅成基字登爵南海人初為羅定兵備道標營哨官羅定陷入陽春山中與壯士耕鑿有雉髮者罰出交槍十函人不敢違永曆元年六月西寧貢山李國珍起兵成基率數百人為助圍攻羅定三月敵開城降已而敵援大至國珍不能守與成基復入西山頃之國珍病死成基出降為敵副總兵得守羅定二年冬廣州反正宣平伯董大用至成基迎於連灘江口大用以其熟習諸山驍勇倚任之仍使守羅定四年冬廣州再陷大用死成基收其部曲入西山敵急招之成基降又得守羅定六年晉王率師將至使總

兵吳子聖招之成基應命又復守羅定晉王既至攻肇慶  
不下子聖以兵退保西寧殺敵官數十人而去成基亦入  
西山明年晉王再至成基遣人迎之高州晉王承制加都  
督同知使攻復羅定殺敵知州復守羅定晉王攻新會不  
克返貴州扈駕成基勢孤乃入雲濠山濠山本復與部曲  
耕田諸山人民皆依之全髮羅定城外十餘里敵號令不  
能及凡五年顧成基性多猜疑左右少不如意卽加刑戮  
中軍蕭鼎者陰約敵入諸土豪亦苦鈐制以情輸敵十一  
年敵兵大至成基接戰山口鼎先降部曲因潰成基手刃  
妻妾吞金死成基前後於羅定兩克之三棄之五守之反  
覆之間機智處出終不肯坐困孤城以自斃嘗曰我與城

亡是與西山而俱亡也

西原作兩  
據鄭本改

亡羅定可也亡西山不

可也有西山我不患無羅定也其志若此

蘇利海豐人初乘亂糾率壯健以巨舶入碣石衛據之永

曆元年授鎮守惠潮水陸等處地方協八閩中軍都督府

右都督掛咸武將軍印

咸鄭本  
作咸

太子太傅兼太保總兵官

仍鎮碣石利兵勢日盛魚鹽之利歲可入百萬戰船千艘

士卒數萬人扶制所至沿海千餘里隱然有邊海長城之

勢四年廣州被圍利以白糧二十餘艘來援未及戰調還

廣州既陷敵以左都督啖之利不肯薙髮內懷忠義外受

羈縻間數歲以蠟丸遣表達行在晉王兩下廣東利皆與

約為聲援視師閣部郭之奇利與同郡往來甚密敵知之



陽示推誠而不敢先發然利與延平王地方接壤常恐為其所併外亦藉敵以為重以故徘徊觀望者久之十七年沿海居民被徙有蜑人為敵遊擊者曰李榮曰周玉起兵既戰敗敵遂檄遷碣石利恃其協戰之功不從遷界之令遂發兵出攻破敵總兵苗之秀一軍連下海濱數縣惠潮震恐七月敵兵至海豐之赤石遣噶以什章京等圍羊蹄嶺之破牛塘官田梅隴三處伏兵得利將桂林吳仕殺之兵死者二千餘人遂盡毀營壘通道路利率兵迎戰於南塘浦血戰竟日死之屍橫四十餘里敵兵直抵碣石乘勝先克民城勝原作城據鄔本改次克軍城總民陳英副將李慧被執兵死者六千餘人其有職銜死於亂軍中者不計數所受



將軍印及敕書皆被獲去敵遣官分取甲子所及東海寧  
三寨利部曲在舟中者與戰又敗死者百人至小時又敗  
死者二百餘人至葛州嶺復敗死者三百人皆義徒之不  
肯降者也

周玉番禺市橋蠻人也兄珍與李榮皆以武勇桀黠雄長  
海上初糾眾勤王詔授水師副將為沿海遊兵

沿鰲本兼作江

護糧運廣州陷珍榮並降敵為蠻目都司

鰲榮都司餉作遊擊

以水師數萬攻高雷廉瓊四郡珍榮從之摧堅陷勁所向

有功珍死玉領其眾

玉下鰲本有代字

不食官糧以捕魚自給歲

癸卯

鰲榮賊贖作壬寅

敵慮沿海居民以米粟布帛為賜姓延平

接濟盡遷移之外鑿長堦為界遍築烽臺有敢踰界一尺

者誅榮玉所捕魚之處悉在界內無以為生濱海之人亦  
盡失其田廬丘墓轉徙流離死亡枕藉榮玉傷之遂於十  
月朔揚帆出海號召諸蜚而以行在前所領水師總兵數  
印從事奉永曆十七年正朔稱叔粵將軍傳檄遠近遂攻  
番禺新會順德香山諸汛營壘悉平之殺敵江門遊擊一  
人悉焚諸路哨船及勘邊大人馬船而夜以大舟直入珠  
江攀城將上敵大驚擾次日遇敵提督楊明遇於石龍明  
本作殲其兵千餘船數百次日又焚敵船數十於是東西  
路絕敵惶懼不知所為榮玉之起兵以復本朝救桑梓為  
辭名號甚正一時知義者爭出金錢佐軍軍聲張甚二十  
二日均作癸卯十一月再抵廣州西關攻礮臺不克佯

二日均作癸卯十一月

再抵廣州西關攻礮臺不克佯

敗走敵追之五十餘里至濫尾回帆大戰焚敵礮船二十四斬首千餘級其帥張國勳僅以身免次日抵順德執敵知縣王胤封庫釋囚存恤鰥寡民悉解髮從之三十日敵悉水陸兵突攻市橋舟駐大石口榮玉列舟還救乘潮西上鋒銳甚敵以鐵鎖聯巨艦中流以待兵始交殺敵數百死戰竟日敵敗玉恃勝輕敵棄其大軍獨以中營七舟而前榮不得已從之後軍不繼遂敗玉為鄉人執以獻敵被殺榮突圍走市橋戰復敗遂出大洋其五島之眾互為犄角者敵分三路擊之義徒死者二千餘人大奚山大嶼口上川下川皆相繼敗沒有趙劈石鄒案香山縣志作劈山趙麟生者以黃梁都赤坎三竈之舟出救亦戰死千人皆榮玉之黨

也榮之將黃明初譚琳高者初從敵攻上下兩川逸去為

榮羽翼明初與所部黃啓榮周信華等聚大小舟百餘據

馬流門適敵將舒雲虎

舒駢本  
作施

李海龍等以舟師至與戰

不利明初走至那扶而死而敵將佟養謨等遇琳高於急  
水門逆戰琳高敗被執死之餘眾皆盡自榮玉舉事在在  
響應兵連禍結至數年而枝蔓始盡嗟乎人無分於盜賊  
事無分於大小能發憤而起與敵為難斯則義矣使得書  
於冊曰某也賤某也叛豈非春秋之所取者哉

屈大均曰我粵忠義之士一盛於宋再盛於明事雖不成  
亦足以折強敵之氣而伸華夏之威使為史者以為無益  
於成敗之數削而不書是不知春秋之義者也夫蠻夷猾

夏匹夫匹婦有能披戈而起其功皆可擬於湯武況有位之士大夫乎三百年以來踐土食毛誰非臣工一人抗敵則堯舜禹湯文武周公孔子得此一人一鄉一國抗敵則堯舜禹湯文武周公孔子得此一鄉一國事不必成功不必就而已可傳不朽矣是故凡起兵者得死其所我皆著之於篇





新城死事傳

新城死事曰李翔

李翔字詡公

鄔崇南疆逸史作字

舉邵武人崇禎十二年以副榜貢

時三邊告警詔開言路翔上疏言天下事觸權貴禍將不測大學士蔣德璟學士黃道周委曲護之德璟尤器其才延之西席會母喪南還隆武元年秋八月授江西新城知縣時江西郡縣悉為敵有惟新城僻遠又永勝伯鄭彩帥師出杉關人猶觀望已而聞翔至奸民訛言曰是將屠我黎川也者謀拒之比翔入境止一襪被蒼頭神氣恬適眾遂解迎翔入邑有黃東來者助前令為虐黨與至數百人魚肉鄉里翔下車東來入謁即擒斬於市

即上鄔本有翔字

今日

罪止一人餘不問以兵刃置庫示無復用絲是黨與日渙

新城以安未幾縣三都農氓與豪家較斛氓鄆本其黠者

糾集鄉人數萬鼓譟城下翔從樓櫓間諭之弗聽遂從城

缺入喧擠於堂翔陰遣義兵三百出城令裹紅巾稱永勝

伯前隊復自南門入會城中火起亂民四散劫掠聞紅頭

兵至遂遯斬首千餘既鄆本知其詐也作已而明日復聚眾來

攻翔統義兵與戰戰小却颺言曰彼烏合之眾小勝必不

為備再鼓竟敗之斬百餘級皆震懾翔憫其無知出教招

撫止誅為首數人定為斛式於是變亂以寧彩提兵數萬

駐新城翔抽選義勇千人千斛本設餉而訓練之無何敵

兵日急彩欲潛逸而有慚於翔乃陽赴建昌陰取間道以

達閔翔乃與監軍張家玉為死守計敵至翔帥兵出演武  
場接戰嚼指血大書旗上曰誓死報國使人負為前導敵  
從他逕入城

逕歸本  
作道

翔兵鳥獸散翔入城與從者三人手

刃三敵敵驚以為有伏久之無繼者翔又與三人馳而出  
四顧徬徨謂三人曰汝曹其行吾入城死矣策馬復入大  
呼曰吾新城知縣也何不殺我敵執之大罵不屈被笞四  
十械至郡僵立不跪敵以酒誘降翔舉杯擲之臨命從容  
賦詩引領受刃事聞贈光祿寺少卿諡忠壯廢一子

屈大均曰隆武二年正月二十二日欽命監軍永勝營兼  
理江西軍務察核地方兵馬錢糧敕賜御節聯絡節制招  
勦便宜行事翰林院侍講兼兵科給事中張家玉有疏云

本月十六日永勝伯鄭彩聞敵報急卽將隨征之兵及所  
守新城之兵撤還促臣入關臣以新城者永定屏障永定  
者福京門戶新城雖小不可棄而彩以固關為急竟棄臣  
去臣與新城知縣李翔仰天慟哭誓死不去敵騎至臣調  
翔守城躬率義兵三百與二三將吏血戰城南斬敵步兵  
百餘臣傷箭墜馬血書招閣王宋來援王解本作玉下同王宋檄  
至敵引退上云統兵大帥走入關獨使文臣陷陣何以自  
解詔褒家玉而翔以死事蒙卹典云

紹興死事諸臣傳

紹興死事諸臣曰張國維曰陳函輝曰王之仁曰余煌

曰孫嘉績曰陳潛夫曰張嘉運曰邵一柱曰邵一梓曰

邵一棟曰章欽臣曰鄭遵謙曰熊汝霖曰葉汝菴曰高

岱曰吳從魯曰馮正畿馮馮本曰林塗曰郭符甲曰吳

鍾巒曰張肯堂曰朱永佑曰李向中曰沈宸荃馮崇荃

聞作曰楊定國曰何弘仁以事起紹興諸臣從之始終

不貳故皆書之曰紹興死事傳

張國維字玉筍號止菴明季南略卷十云東陽人天啓二

年舉進士知縣番禺崇禎五年以治行召為禮科給事中

歷官至兵部尚書十七年三月朔昌平兵變京師戒嚴上

命勲戚科道分守九門時國維在獄上赦之使往浙直督  
理兵餉思宗立以兵部尚書佐理戎政未幾予告還里弘  
光元年六月浙江陷紹興知府某潛遯府佐知縣以下悉  
渡江納印受任諸生鄭遵謙慷慨感憤率勇敢數千人殺  
敵所遣招撫使者於錢塘江及所署山陰知縣彭萬里遂  
首起兵稱東海義士士民翕然從之馳告金華迎鎮東將  
軍方國安軍使國安與國維方逢年柯夏卿宋之普陳函  
輝熊汝霖孫嘉績等迎立魯王於台州朱大典亦遣孫廷  
上表勸進於是魯王監國紹興乃分布諸軍沿江拒守既  
而國安率兵與馬士英自富陽山中奉皇太后至稱方馬  
軍王思任寓書罵之國維首參士英誤國十大罪請斬之



以狗士英懼不敢入朝遂別駐江口國維與逢年之普大

典國上鄒本有皆為大學士封國安荆國公張鵬翼永豐

伯遵謙義興伯分遣國安守嚴州鵬翼守衢州而國維督

師江上賜上方劍便宜行事子世鳳為平虜將軍七月復

富陽鄒案南疆逸八月復於潛鄒案南疆逸時汝霖嘉績

亦起兵與僧石田及鄭家兵軍西陵渡時時渡江挑戰方

兵稍精勁敵亦憚之以江險不敢飛渡相持一載然我師

烏合人治一軍不相統一所在部曲騷然國維疏謂必連

諸帥之心化為一心然後使人人之功罪視為一人之功

罪豈國然之冬十月敵兵大至國安嚴陣待之敵稍不利

國維率王國斌趙天祥接應追戰於草橋門天大風雨礮

火不得發遂收兵敵沿江營作木城為自固計會天興頒  
詔至諸求富貴者爭欲應之監國下令旨返台士民惶惑  
國維上疏思文皇帝謂國當大變凡為高皇帝子孫臣庶  
皆宜併力同心以圖光復功成之後入關者王之監國退  
居藩服禮誼昭然若以倫敘叔姪定分在今日原未假易  
且監國當人心奔散之日鳩集殊勞一旦南拜正朔鞭長  
不及猝然有變唇亡齒寒悔莫可追臣老臣也

鄒本作且  
臣老臣也

豈若朝秦暮楚之客哉疏出議始定而浙聞成水火矣隆  
武二年三月朔敵開堰入江將以艤艦潛渡國維遣武寧  
侯王之仁統率水師從江心襲戰是日東南風大起之仁  
揚帆奮擊稍稍得利國維率諸軍將渡會天興詔至犒師

士英峻國安執其行人陸清源而出檄數思文皇帝之過國維頓足曰禍在此矣四月我師擬攻杭州弗克監國抽兵屬國維西征以余煌督師江上時貝勒屯兵北岸以潮乾試馬漸移大礮南擊我軍國安廚竈破碎大驚曰此天奪我食也因念思文皇帝曾以手敕相招入閩中必且大用卽或不支便道可入滇黔矣五月二十七日夜遂拔營走陳兵紹興城外劫監國行明日江上諸師聞報皆潰遵謙携家入海惟之仁一軍尚在國維與之仁議抽兵五千分守各營之仁流涕謂國維曰壞天下事者國安也可謂國賊罪不容誅今使敵以數十萬賊然而渡我孤軍何以克支之仁有樓船可以入海公其亦自為計國維乃振旅

追扈監國

追駟本  
作進

六月之朔敵從白塔嶺渡國維行次黃

石巖國安士英阮大鍼將獻監國以降乃斷所過橋橋下  
大書云方馬止此而遣人謹守監國守者忽病監國得脫  
登舟傳命國維過防四邑國維遂抵東陽再治軍二十五  
日義烏陷眾勸國維入山國維曰誤天下者文山疊山吾  
惟一死而已明日敵至七里寺國維肅衣冠南拜作絕命  
辭三章赴池而死其相從者為陳函輝

陳函輝字木叔臨海人自號小寒山子以崇禎甲戌進士  
知縣靖江有惠政嘗開團河七十二港造三閘備蓄洩使  
縣中無憂旱潦南都陷與張國維方逢年等擁戴魯王監  
國官至兵部侍郎

兵駟本作吏又駟案明史本傳明  
外史朱大典傳均作禮部右侍郎當義

烏之陷作絕命辭又作自祭文埋骨記走入天台寒山寺

絕粒數日而死

明史本傳作投水死

時年五十有七

王之仁字九如宛平人太監王之心弟之心從先帝殉難

者也之仁弘光初任浙江總兵

歸案蘇州志作蘇州鎮守總兵官

紹興兵

起魯監國封之仁為武寧伯時浙東將士與敵畫江而守

自丙戌春屢戰不勝各營皆西望心碎之仁疏言事起之

日人人鼓舞有直取黃龍之志稍一摧敗遂欲以錢塘為

鴻溝天下事尚何忍言臣今者惟有前死一尺願以所隸

將士沉舟一決今日欲死猶為力戰而死他日即死恐不

能復為力戰也監國甚壯之及紹興陷監國航海之仁會

集水師欲圖再舉一夕颶風大作眾艦覆沒乃仰天大呼



乃鄔本作之仁載其妻妾及兩子婦幼女諸孫盡沉於蛟門下鄔本

無下捧所封太師興國公敕印北面再拜投之水獨至嵩

江冠帶登陸百姓駭愕聚觀之仁曰吾再世十餘齡又可

以橫戈殺賊矣比見洪承疇慷慨言曰我之仁天朝大帥

事敗應死特至舊京請正命於孝陵之下全家骨肉已委

江魚一片心肝願充坏土充鄔本作光吾有同產之兄昔當甲

申殉威宗烈皇帝於煤山吾今於丙戌亦得侍太祖高皇

帝於神烈兄弟同歸各得死所不亦天倫之所安哉承疇

優接以禮令薙髮不從嚙指出血大書忠孝歌於壁遂遇

害八月二十四日也

余煌字公遜一字武貞山陰人天啓五年進士殿試第一



人繇翰林院修撰官至右春坊右庶子以憂歸杭州之陷  
與鄭遵謙連謀舉兵上笈台州迎魯王監國擢禮部尚書  
管兵部尚書事紹興陷煌啓九門縱兵民盡出書案云身  
不可降髮不可棄乘波而死湘纍之志遂赴渡東原注云一作東  
渡橋水而死

孫嘉績字碩膚餘姚人也五世祖燧以右都御史巡撫江

西死宸濠之難贈禮部尚書諡忠烈高祖堦尚寶司御曾

祖鏊上林苑監正鮪琦亭集外編卷四明兵部尚書葉東閣大學士贈太保諡忠襄孫公神道碑

銘作上林苑祖如游少保文淵閣大學士諡文恭原注云一作端

父應本應本鮪琦工部郎中嘉績中崇禎十年進士初授

南京工部主事京字原缺據明史本傳鮪琦亭集補改遷兵部職方司郎中

烈皇帝知其才召對觀德殿詢武庫軍器兵部尚書口塞  
不能對嘉績一一指陳上悅賜絲繒二疋糲一盤嘉績跪  
謝食糲竟救再賜再食之捧繒而出會太監高起潛乞世  
廢嘉績格勿與起潛怒上方閱尺籍尺籍本作冊起潛假以隙  
中之遽下之獄時黃道周以廷諍與杖救獄吏屏一切服  
御意叵測嘉績推己所有慶事之且從而受易政府楊嗣  
昌指為黨取同獄黃文煥文震亨等禱治之詞連嘉績嘉  
績叩首抗言曰昔夏侯勝在獄中受經於黃霸不以為罪  
獨奈何寬仁之朝而苛乃出漢世下苛下解本有求字刑部尚書  
徐石麟故知嘉績遂出之於獄而轉薦之已而起九江道  
僉事命未下國變嘉績歸里與熊汝霖破產起兵稱孫熊

軍官監國僉都御史

鄒本作監國封為僉都御史

進大學士劃江而保

者一年紹興陷嘉績遜之滄洲怗懷嘔血遂以死六月二

十四日也年四十有四

鮑琦亭集云生於萬曆甲辰九月十四日得年四十三

乙丑

彭湖不守嘉績之孫訥踰海得嘉績櫂積以歸嘉績立朝

剛果不附不阿於大事每喜負荷無瞻顧意以故主上知

之朝中大臣亦謂其能以氣節自見云

陳潛夫原名朱明字玄倩錢塘人延綏總兵官死事遼陽

諡忠愍某之子也崇禎九年舉於鄉少跡弛不羈言行無

擇使氣善呵罵同里陸培者為檄攻之潛夫愧而避去弘

光初官開封理刑

鄒案南疆逸史作崇禎十六年授開封府推官

與寨勇李過知

鄒案南疆逸史作李際遇

劉洪起等殺賊偽太康知縣安中外等遷江

西道御史巡按河南監國立加太僕寺少卿奉命監軍各  
藩鎮紹興既陷監國航海去潛夫時在新城聞之曰昔鯤  
庭攻我顧以我為非人也鯤庭死節今已一年所矣吾今  
尚復濡忍其信非人也耶謂其妻妾曰余今不惟死君而  
且死友汝二人能從我乎皆笑曰能遂連臂同沉於湖以  
死

明史本傳云走至山陰化龍橋偕妻妾二孟氏同赴水死

妻妾皆孟氏同生姊妹也

鯤庭者陸培也事在杭州死節傳

張嘉運字起芬錢塘人諸生監國初渡江獻策授總兵官  
奉令旨入餘杭山中起兵

杭張本作姚  
鄒本同此

事未畢土人執之

以獻滿巡撫張存仁問曰爾在浙東何職

東鄒本  
作任

嘉運厲

聲曰官拜平虜將軍存仁笑曰吾輩固虜也然豈易平哉

時叛將田雄在坐嘉運指謂存仁曰田雄國賊也豺狼之  
性之解本既不忠於天朝亦將不忠於爾滿哉君之賊汝  
其為天朝誅之雄怒射之三矢尋就市賦絕命詩有頭顱  
遇鐵方為貴之句

邵一柱字友濤餘杭人諸生刑部尚書陸之孫也聞監國  
立念世受國恩義當死報死解本乃使其弟一梓往見監

國請令旨起兵以聯水陸之勢監國壯之授一梓滅虜將  
軍單下解本使還起兵甫兼旬有眾萬餘屯四明山於是

金華浦江諸義師不期而應慶戰三載一柱與弟一槐一  
崇俱陣歿一梓被執臨命盃酒務橋謂劊子手曰任爾斬  
頭不可破我網巾使我無以見君親也兀坐不動張目視

其副礫至開膛際始呼關壯繆侯一聲而絕忽空中樂作  
儀仗冉冉下迎官民數百人莫不見之羅拜涕泣弟一棟  
年二十三聞難復破家起兵屯四明山一載載即本得其  
兄一梓之讐丁姓者斬之以祭歲餘糧盡欲率其眾赴舟  
山途遇敵兵戰而死兄弟五人先後殉國其烈如此

章欽臣字某會稽人監國初紹興所在鄉落爭起義旗營  
壘相望欽臣亦起兵屯剡徇山一帶與敵相拒經數月殺  
傷相半已而為內應者所賣與妻金氏皆被執欽臣對簿  
氣稍靡金氏謂欽臣曰君為將帥不能成功即死猶為晚  
矣即即本尚欲向穹廬求活耶敵大怒以刀觸其口口即  
本作金氏憤罵欽臣被礫死敵以金氏賞兵伍氏抗聲曰夫



既死豈肯獨生

肯鄒本作有

求速加刃為幸敵命推出斬之金

氏曰夫既磔則我亦應磔吾忍使我夫獨磔乎敵從之每

刀一舉

鄒本作每舉一刀

金氏輒一罵磔至下體以兩股緊夾罵

不絕口而死

鄭遵謙字履泰

鄒案泰南疆逸史埋憂集作恭航海遺聞作公

餘姚人

鄒案明史本傳南疆

逸史埋憂集均作會稽人

諸生大同兵備僉事之尹子也

鄒案大同兵備僉事南疆

逸史作山西按察司僉事埋憂集作江西按察司僉事

初杭州陷之尹渡江薙髮而

還遵謙泣諫力陳建義之舉之尹咋舌曰毋滅而族適滿

知縣肩輿入市諭士民亟從新令遵謙怒而擊之之尹跪

止遵謙揚言於眾曰

鄒本作遵謙不得已佯告眾曰

夜夢金甲神告我萬

里開刀天地下拜今吾父乃跪我前而賊令名彭萬里亦

與夢合神先定矣遂共執而殺之懸首市門於時鄭公子  
之名溢於兩浙遂為義士之倡舉大名之首焉紹興既陷  
遵謙挈其幼子將赴水死其友孟仲芳止之乃與熊汝霖  
錢肅樂沈宸荃僧石田等往扈監國汝霖為首輔肅樂為  
次輔宸荃兵部尚書石田封護國禪師鄭彩封建國公是  
時監國至閩義旗四起應之前兵科給事中劉中藻則復  
福寧朱繼祚則復莆田益王則復建寧敵在福州者敵上  
有時兵僅二千孤軍絕援人自相食蓋危如累卵矣外縣  
若長樂連江羅源古田閩清永福一時俱下我師水陸數  
十萬又得降將郭天才精銳六千可一舉恢復福州而彩  
擁兵不發為滿巡撫佟國器詐降緩兵之計所誤盡殺同

事諸勲既害汝霖并及其全家時遵謙駐福清東瀚聯絡  
多人彩恐其報怨也遣陳日暉暉解本誘殺之自是人心

解散敵至彩退舟海中監國往舟山避焉後肅樂宸荃等

亦俱死福清人義而葬之於黃蘗山初遵謙之出以幼子

託孟仲芳其妻孫氏自經於紹興之西郭門菴中長子懋

公鄒案公埋被執至鎮江痛罵不屈以死屈鄒本

熊汝霖字雨殷餘姚人崇禎十年進士十明史本紹興既

陷追扈監國至閩中遂為大學士鄭彩初以女許汝霖子

已而相貳恐汝霖圖之遂殺汝霖而沉其家口於江中遵

謙汝霖雖不死於敵而死於彩亦皆為國而死者也故均

謂之死事

葉汝菴字匡之

鄒案明史本傳南疆逸史均作字衛生

會稽人崇禎三年舉

人監國之初上時弊一疏令旨優答之授行人轉兵部主事監軍江上五月二十九日諸藩鎮兵同日奔潰遵謙亦移師入海汝菴知不免自沉於桐塢而死妻王氏亦沉於其所家人救之痛哭絕食四日而死

高岱字魯瞻山陰人

鄒案明史本傳南疆逸史均作會稽人浙江通志作會稽歷海所人崇

禎三年以武生舉於北闈監國之初授兵部職方司主事嚴飭兵伍禁絕打糧送劄諸弊紹興民賴之城陷監國往台州岱時奉使他出聞變往海濱絕食十三日

鄒案南疆逸史作八

日不死次子朗衣巾泣拜於前曰兒不孝不能侍奉大人矣當先死以待大人岱瞠目送之曰爾能以死先我真吾

子也朗遂乘舟躍入海中舟人援之朗嚙其臂得解岸巾

浮去約丈餘復起以兩手整巾而没又三日岱聞之一笑

而終

笑鄒本  
作哭

先數日諸暨諸生傅炯

傳鄒本  
作方

山陰諸生朱

璋

璋鄒本  
作偉

皆赴水死蕭山諸生楊雪門自經死

吳從魯字金堂山陰人萬曆四十四年進士繇南陽知縣

起家至川湖分守右參議監國時為通政司左通政

鄒本  
作為

通政

城陷不肯薙髮絕粒而死年八十矣其兄從義知縣

長安城陷投井而死者也從魯臨命時曰吾恐有愧於吾

兄云諡襄愍

鄔正畿字德都永福縣人

鄔案航海遺  
聞作江左人

隆武初以諸生授

兵部司務福州陷走福唐龍山會各鄉義兵競起推吏部

林空為督時監國封鄭彩建國公頒劄士大夫有進正畿者曰急選精銳若干借彩樓船出吳越與三泖太湖吳易張名振諸公會師人既離鄉戰氣自倍不至結怨於榆勒餉仇殺自貽後患也正畿然之監國因授兵科給事中是秋八月義師大至永福敵以數十騎出禦十字疑誤空死之眾遂潰散正畿奔還永福敵守者請見紳衿正畿義不往乃設奠祖祠宴會親友大冠緋袍外襲麻衣自縊而死

林空字子野別號恥齋侯官人

歸案明史本傳南疆逸史判駝逸史均作福清人然

埼亭集外編卷二十九跋明崇禎十六年進士錄同此

崇禎十六年進士初以行人

與都督陳謙奉監國命及仙霞關趙起未入平虜侯鄭芝龍以書招之乃入陞見啓函稱皇叔父不稱陛下思文皇



帝大怒下廷議皆下詔獄芝龍疏救不許尋殺謀芝龍快  
快遂揚帆而去守關將施福盡撤兵還駐芝龍所居安平  
鎮聲言缺餉蓋微聞錢塘信云福建既陷空與郭符甲起  
義敵攻之急與帳下壯士五百人皆戰而死符甲字某與  
空同邑鮑琦亭集跋明崇禎十六年進士錄同登進士亦  
云閩中之亡晉江郭符甲殉晉江  
遇害五百人浮屍海上符甲獨屹然不動國姓成功葬之  
海島上大起冢云

吳鍾巒字巒稚烏案稚原作雉據明史本傳武進縣志改

航海遺聞作字霞舟鮑琦亭集外編卷九  
明禮部尚書仍兼通政使武進吳公事狀云字峻伯別字  
釋山學者稱為震舟先生南疆逸史作字巒稚號震舟

武進人崇禎七年進士知縣長興以方略盡誅湖盜藏山

賊渠擒流賊謀者浙境賴之修城築關諸大事一於民無

擾時朝廷方亟勦練二餉鍾巒獨以旱潦頻仍人民愁苦

緩其征不得中額尋中使崔璘以巡鹽出兼核錢糧其儀

制與撫按同鍾巒不肯屈膝遂拂衣去十四年補紹興府

照磨補明史本傳作諱量移桂林推官十七年冬陞禮部主客司

主事以清獄未行弘光元年七月走福州上書痛陳國計

為時宰所扼乞外自効得廣東督糧道郭業鮎埼亭集南疆逸史均作為廣

東副使未行而閩廣皆陷鍾巒間關海上會監國至閩與錢

肅樂被召入見晉禮部尚書而肅樂以兵部尚書入閣辦

事永曆三年閩中復潰鍾巒從監國至舟山昌國衛於是

張肯堂為大學士朱永佑為吏部尚書李向中沈宸荃為

兵部尚書五年八月滿兵集寧波勢甚急鍾巒在普陀懷

慨謂左右曰昔李仲達死於璫吾以諸生不得請死馬素

修明史本傳死於闖賊吾以遠臣不得從死及入閩吾復

辭行在無城守兵柄柄辭本亦不得死今朔騎憑陵吾不

忍見之昔吾始祖侍御公肇避靖難一姓不再仕況今何

世耶不及此時皎皎而死一旦疾病奄然何以謝吾友見

先帝於地下耶趣渡海入昌國城曰吾不能復從主上航

澗作波臣矣二十一日滿兵薄城下即不食令設高椅於

孔廟左廡樓下以薪環之九月二日城陷鍾鑾抱孔子木

主升椅端坐命僕人舉火遂焚死時年七十有五先是仲

子福之仲子鮪琦亭集作字公介貢生義不薙髮起兵太

湖戰敗死於湖州之小湄鍾鑾聞之曰可兒可兒

張肯堂字載寧號鯢淵嵩江人天啓五年進士前僉都御史巡撫福建隆武朝官吏部尚書其在舟山署故多梨樹枝幹相交花開如白雪肯堂以名其堂曰雪交常與鍾繼輩數人飲酒賦詩其下相謂曰此吾輩歲寒之交也他日當偕死毋相負至是果同殉難肯堂自經以死

朱永佑字爰啓號聞玄嵩江人崇禎七年進士李向中字

立齋鄔案南疆逸史鮑培亭集外編卷九明兵部尚書兼掌都察院事鍾祥李公事狀均作字豹堂號立齋

湖廣人十三年進士俱被執不屈以死舟山之陷文武同

時殉難者凡三十餘人不能悉紀云

沈宸荃字侗菴鄔案航海遺聞南疆逸史均作彤菴嘉興人明史本傳作慈谿人崇禎

十三年進士從監國入海舟覆而死

楊定國字某濟寧人以監生

監鄔本作貢

受監國行人之職敵

渡江自縊而死

何弘仁字仲淵山陰人崇禎十年進士監國授以御史追  
駕不及自縊於僧舍以死

屈大均曰紹興之事蓋賊臣方國安一人敗之一軍既動  
諸軍因以不支使張王諸公水陸師徒盡失犄角之勢長  
江天險盡委之空國而奔嗚呼何其靡哉國安者國之大  
賊故與士英相比以害於而國凶於而家者士英昔棄揚  
子國安今棄錢塘二江深廣深鄔本作彌三折盤迴竟使投鞭  
而渡如入無人之境嗚呼豈不痛哉雖然亦有數焉昔周  
欲亡而三川竭宋欲亡而錢塘乾紹興之陷使非沙涌曲

江涌陂本海潮不至敵雖剽疾何從而移礮南擊以驚國

安之魄而使之不能自固耶王嗣槐曰乙酉六月方國安

先走金華與朱大典合兵曰公為國安守國安為公戰大

典麾下拒之於是構難會紹興兵起國安引兵下攻富陽

拔之一軍屯金村嶺一軍入錢塘江西岸屯朱橋屯朱橋

者國安兄子元龍軍中號漢土營大總者也兵數千船五

百隻沿江岸列營起朱橋至轉塘口延袤里許先是嚴州

木商聞亂遽去大木蔽江而下朱橋民浮江爭取之國安

因便列柵甚堅列陂本右倚大江左倍山以一面東下柵

阻橋倍山以陂本首尾相射腹深入列舟艦為木譙如却

月形一時山民剃髮者多匿谿谷間莫敢出國安至戎旅



方元科引兵走六和塔覘視地形值敵游兵出谷口倉卒搏戰射殺一人獲馬二匹明日以兵數千出清風亭大戰所約江東兵皆在東岸人人惴恐莫敢汴江而來敵兵縱騎張左右翼衝之兵遂却越三日敵兵自六和塔薄國安營國安開柵縱兵兵亦殊死戰旣數合多不利敵兵旣輕之於是使人間視橫山及所過清風亭皆無伏夜中敵分兵為二八百騎走清風亭五百騎走橫山繞出國安營後國安兵旣無伏又不遠布斥埃平明敵兵覆之卒惶急據橋發礮風迴火猛藥箱震烈守卒披靡敵兵乘便退橋逼柵門國安拒柵力戰自晨及晡敵兵登妙高山陳兵自繞遙望國安營有石牆如白練當柵中立一騎將請大礮前

曰具曉破之之術矣當牆發礮牆立傾騎將大呼馳入諸

騎繼之國安兵大亂奪舟逃去大均曰噫嘻此國安戰守

潰敗之本末也

敗身本  
作散

國安本不知兵又無忠義之節不

能受張公之節制又不肯與王鄭諸公同心併力一敗長  
奔以國與敵又幾以君父與敵也嗚呼安得與士英大鉞  
者駢首受誅以慰我二祖烈宗於天上也哉士英大鉞至  
台州猶擁殘兵數請入關陛見思文皇帝以其罪大不許  
此失刑之大者也士英後入山寺為僧敵將搜捕得之大  
鉞迎降貝勒隨令內院辦事國安方逢年及刑部尚書蘇  
壯等皆降八月二十五日敵至順昌時士英大鉞及國安  
父子方連名上蠟疏請思文皇帝出關已為內應敵得之

大鉞自投崖死仍戮其屍士英等四人駢斬延平城下家  
口悉給賜兵丁嗚呼賊臣之效其終亦竟如此哉與忠烈  
諸公謹爭命於旦夕間耳

大均又曰嗟乎紹興之陷以江潮不至使番將得以飛渡

將解本  
作兵

何天之不仁必以中華盡棄之而後已耶嗟夫天

以天下而與中華天之中庸古之天也愛中華今之天也  
則不然故雖以英明果毅大有為之君亦且弁髦置之而  
不使其君臣辛苦保有一隅況魯監國文柔之主乎哉然  
而忠臣義士之心不與天而俱變也天為其小人而反中  
庸人為其君子而中庸寧得罪於天而必為其人之君子  
而必不肯得罪於君父而為其天之小人故自監國繇海

入閩雖流離顛沛而義旗義軍四起而應之一時閩越人心莫不繫屬可一舉而復福州乃鄭彩擁兵不救為敵撫

佟國器

此下原缺